







Res 11160 // 60
LES

SECRETS

DESCOVERTS

DES ARTS, TANT DE

Pharmacie que de celuy de distiller,

vulgairement nommé Alchemie,

ou Spargirie: par le moyen desquels

l'on parvient à la perfection; tant par

Theorique que pratique, à rédre

l'Or Potable, succinctement dé-

duits en forme de Dialogue.

*Oeuvre non moins necessaire que profitable
à tous Amateurs de science.*

De l'inuention de GODEFROY ROUSSEL,
Maistre Appoticaire à Paris.


DEDIE' AV ROY



A PARIS,

Avec Prinsilege de sa Majesté.

1613.





3



AV ROY.



IRE,

*Je produicts au iour, inspiré
d'Appollon, & fauorisé de
Minerue, les plus belles fleurs
que nature recelle en son iar-
din: Tres-vtile pour vostre
Majesté, affin de la faire vi-
ure en vne grande longueur
d'années, en heureuse santé, e-
stans de telle merite i'eusse fait
tort à mon deuoir, à l'obliga-*

tion & services que naturellement ie vous doibs, SIRE, si ie ne vous eusse présenté ce petit discours qui contiēt les Secrets descouverts des Arts, tant de Pharmatie que celuy de distiller, que ie dedie à vostre Majesté, pour luy faire veoir par les loix de la Nature, que l'or est rendu Potable, encore qu'il ne soit en usage pour estre incogneu, à cause que Minerue en tient la pratique cachee au plus profond de son Cabinet, laquelle toutesfois m'a honoré de me l'a donner, pour la consacrer à vostre Majesté, aussi

5
bien que celle des autres medi-
caments , qui conseruent la
santé : en attendant , SIRE,
qu'il plaira à Dieu , & à vo-
stre Majesté , que i'en cultive
les fruiçts pour vous les presen-
ter pour estre

De vostre Majesté,

Le tres-humble, tres-fidelle, &
tres-obeïssât seruiteur & subiect,
GODEFROY ROUSSEL.





AV LECTEUR.



'ART de distiller
vulgairement ap-
pellé Alchemie
laquelle ietraicte
(Amy Lecteur)

est vne science approuuée par
aucuns , & par d'autres des-ap-
prouuée. Ceste diuersité faict
que plusieurs demeurent incer-
tains de la verité d'icelle. La-
quelle est fort difficile à co-
gnoistre , (encore qu'il n'y ait
rien si vray :) Attendu mesme
que les Docteurs qui en ont es-

cript, la rende confuse par des discours, qui semblent se contrarier, à cause que leur intentiõ est couuerte du voile de l'enigme, ou bien se doibt-elle entendre par vn sēs mistique ou allegoricque, qui a occasionné plusieurs à se laisser emporter à la persuasion ou plustost à l'opinion prejugee que fondee sur raisons naturelles, & se sont tant oubliez que la condamner, l'as vouloir prēdre la peine à rechercher le fondement d'icelle, & qui sont ces principes & causes, pour sçauoir s'ils sōt necessaires & profitables à l'vsage des hommes. D'autant qu'il n'y a science ny Art tel qu'il soit, qu'il n'ait
esté

esté institué, pour aider nature
ou estre aidé par elle, pour nous
apporter proffit: Si ce n'est les
faulx & sophistes, inuentee par
la malice d'aucuns hommes, qui
fermant la porte à leur honneur
& à leur conscience, se sont iet-
tez dedans le precipice de toute
meschancetez; auquel lieu ils
ont trouué des Arts illicittes &
dampnables, peruertissant les
choſes bonnes & vtils aux hō-
mes, qu'il font tourner & chan-
ger à leur détriment & dōmage.
Comme les Arts des Sorciers,
des empoisonneurs, adultera-
teurs de metaux & faulx mon-
noyeurs: La differance donc des
bons Arts se remarquent en ce

EPISTRE

qu'iceux ont esté inuentez à l'utilité des hommes. Car encores que toutes les choses qui sont engendrées & produictes de la nature, soient parfaictes pour leur regard. Neantmoins pour nostre respect elles sont dictes imparfaictes, si elles ne sont appropriez & preparez par l'Art qui leur sert de matiere, Comme le bois sert de matiere aux menuisiers, le fer aux ferruziers, la farine aux Boullangers, le chanvre aux Tixerans, l'Or & l'Argent aux Orfebures, les medecaments aux Appoticairez & Distillateurs, afin que chacun d'eux les disposent pour nous servir, tant pour les vstancilles

de meſnage, que pour nous
nourrir, nous veſtir & medica-
menter. C'eſt pourquoy Dieu à
donné à l'homme la raiſon, la
main & la neceſſité des choſes.
Sçauoir la raiſon pour ratiociner,
la main pour agir, & la neceſſité
mere de l'inuention & des Arts;
affin d'eſguifer ſon eſprit, tant
par la cōtemplatiue que par l'a-
ctiue, pour conſiderer, imitter,
& ſuiure nature, ſelon qu'elle
agiſt par la verité qui nous faiçt
tenir ſon chemin, cōme le men-
ſonge nous eſgare & faiçt per-
dre la piſte d'icelle: Ceſte raiſon
doibt bien ſe garder à ne pren-
dre l'vne pour l'autre, d'autant
que la difficulté conſiſte à les

bien discerner pour estie de
 face, de port, de grace, & paru-
 re semblable & cheminent de
 mesme mouuement, sinon que
 la verité préd le droict chemin,
 & le mensonge le gaufche, Ce
 droict chemin est celuy-là ou
 nature commēce, & où iusques
 elle finit, qui assure nōstre
 iugemēt iusques ou il faut qu'il
 plante ces bornes, dedans les-
 quels nous pourrons rēdre l'or
 Potable, contre l'opinion de
 ceux qui mal-entēdus és secrets
 de la nature, affirment que l'or
 ne se peut rendre Potable, disāt
 estre de substāce impassible la-
 quelle ne se peut changer cōtre
 sa nature. N'estāt cet Argumēt

fondé que sur l'opinion fille du
 mensonge, qui les y a persuadés
 & non sur l'experiance fille de la
 verité, faict aussi que la conse-
 quence n'en peut estre veritable,
 Comme la raison le demõstre.
 Car estant l'Or composé de la
 matiere des elements, dont sa
 forme est engendrée par les
 corps superieurs, il ne se peut
 faire qu'il ne soit subiect à la vi-
 cissitude & reuolution d'iceux.
 Je veux croire que la cause qui
 le rend impassible prouient de
 sa parfaicte coction & digestiõ,
 par laquelle la composition de
 ses elements sont si forts coate-
 nez & liez ensemble, que l'un
 ne peut surmonter l'autre, qui

EPISTRE

faict qu'il refiste au feu, à l'air, à l'eau, & à la terre qui ne le peuvent refoudre, corrompre, enrouïller, & pourrir. Estant dōcques ceste digestion la bafe & fondement laquelle faict que la substance demeure indomptable & impassible, si icelle luy estoit ostée, & que ses elements fussent deliez. Il ne faut doubter qu'il seroit rendu Potable. Pour y paruenir, il est besoing de le decuir Comme cela se fait quand il est réduit en la premiere matiere, laquelle n'est autre chose que separer ses elements, qui se faict par le moyen d'une chose semblable à luy, laquelle estant aidée par la nature & de

AV LECTEUR.

l'Art, l'or est rendu Potable & plus parfait qu'il n'est en sa substance metalique, qui est tout le secret, dont le presët discours resoult les difficultez, où ie prie le Lecteur en le lisât d'employer son iugement sur la verité de l'Art, d'autant qu'il est fondé sur les principes & causes naturelles, Comme sur vn pillier stable ou il est assuré. Mais la difficulté d'iceluy cōsiste à cognoistre ceste matiere propre pour y paruenir, laquelle est vnicque où ie puis dire que si elle estoit perduë ou perie au monde, il seroit impossible de rendre l'Or Potable. Et neantmoins il se voit plusieurs Operateurs, les-

EPISTRE

quels trauaillent sur plusieurs matieres qui tesmoignent qu'ils s'ot portez à ce faire par l'opiniõ & non par la science de l'Art, qui fait que leur labeur abboutit à vne mauuaise fin ; qui rend le mespris d'icelle sciẽce, causée par leur ignorãce, laquelle trouble leur cerneau. Ceux-là ressemblent à l'ignorant Ixion, lequel pẽsant embrasser la Déesse Iunon ne tint qu'une nuẽ, & qui neantmoins pour punition de sa temerité est chacũ jour tourmenté, à l'agitation continuelle d'une rouẽ. Je conseille donc ceux qui veulent rendre l'Or Potable, ou faire la pierre des Philosophes, de ne tomber à

cet

cet accident , en preuoyant à
 cognoistre ceste seule matiere,
 laquelle ne s'amende que sur sa
 nature , & ne s'augmente que
 par la nourriture. Estās certains
 d'icelle matiere, il faut apres cō-
 siderer ces loix , car d'y contra-
 rier seroit forcer le destin, & res-
 sembler à ces Geans , qui vou-
 loient escallader le Ciel, & pour
 y paruenir entassoient monta-
 gne dessus montagne, dont leur
 labeur à seruy de les escrazer,
 pour auoir esté trop presomp-
 tueux d'entreprendre par delà
 leur puissance. Bel aduertisse-
 ment à qui le sçait comprendre
 pourquoy faire plus aisement
 l'ay tissé ce Traicté, lequel est

EPISTRE

diuifé en deux Dialogues , le premier faiçt veoir qu'en la generation nature à cinq parties principales, ſçauoir la matiere, la forme, le mouuemēt, le tēps & le lieu dont la matiere & la forme ſont pour princippe, & pour les cauſes ſont l'efficente, la finale, l'exēplaire, & l'inſtrumentalle, que ceſte nature eſtāt le princippe du mouuement & du repos, faiçt que la priuation eſt entre la matiere & la forme, la matiere eſt entenduë les quatre Elemēts, la qualité deſquels agiſſent l'vne en l'autre, & l'vne apres l'autre, ſelon que les actiues dominant les paſſiues, qui faiçt naiſtre la completion ou

qualitez , tant materielles que
 formelles des medicaments La
 cognoissance defquels se remar
 quent par leurs accidens , tant
 inseparable que separable , qui
 subsistent dedans leurs corps
 & de leurs parties dont leurs fa-
 cultez se diuisent en trois. Le se-
 cond Traicté apprend comme
 il faut preparer les medicamēts
 & principalement à rendre l'or
 Potable, apres quelque descisiō
 de certains poincts , qui sem-
 blēt se contrarier, & bref les rei-
 gles de l'Art y sont autāt serieu-
 semēt que succinctemēt repre-
 sētez conformement à celle de
 la nature, qui nous en facilite le

EPISTRE

chemin , auquel ie conseille
(Beneuole Lecteur) de suiure
si desirez paruenir à l'Art de
distiller. Et excuser s'il vous
plaist les fautes faictes tant par
l'octographe, dont la quantité
ne peult estre particulièrement
remarquée, non plus que les
poincts, virgules, & accents
mal appropriez, que aussi sur les
dictions qui depraue le sens de
l'autheur, toutes lesquelles cho-
ses ont esté faictes par la faute
de l'Imprimeur, dont les plus
signalés sont remarqués par les
Errata, selon qu'il se voit en la
page suiuañte. Adieu.

Errata.

Folio 1. ligne 7. lisez Theorique pour Thorique.

f. 2. li. 3. lisez debuoit pour bebuoir. Au mesme f. li. 4. lisez debuez pour debnez.

F. 12. ostez &, entre nature d'instrument.

Au mesme f. li. 21. lisez commençons pour commencerons.

F. 13 li. 2 lisez causes pour cause. Au mesme f. li. 3 lisez essences pour essence. Au mesme f. li. 4. lisez elles pour elle.

F. 26. li. 14. lisez pareille à, pour pa. 1.

F. 29. li. 20. lisez l'acerbe pour la serbe.

F. 31. li. 10. lisez cerbe pour serbe.

F. 33. li. 22. lisez lenie pour leue. Au mesme f. li. 10. lisez anodine pour anodiue.

F. 41. li. 3. lisez vessier pour vessie.

F. 43. li. 13. lisez lenient pour leuient.

F. 44. li 9. lisez fuligineuse pour fulgineuses. Au mesme f. & li. lisez és pour de: Au

mesme f. li. 11. lisez lenier pour leuier.

F. 45. li. 16. lisez és pour de.

F. 51. li. 10. lisez Englutine pour Englutine.

F. 56. li. 7. lisez humides pour thumides.

F. 61. li. 5. lisez retentrisse pour retentrissement.

F. 62. li. 22. lisez l'elan pour l'eân.

F. 100. li. 13. & 14 lisez iuiubes pour pre-
mieres. Au mesme f. 22. lisez au lieu de ont,
leur vertu est en.

F. 121. li. penultiesme lisez contribuë pour
contribut.

F. 125 li. 19. lisez estans pour estimants.

F. 127. li. 16. lisez sept pour ces.

F. 131. li. 9. lisez accendente pour accidéte.

F. 132 li. 10 ostez est, apres temperature.

Au mesme f. li. 20. ostez y, apres il.

F. 133 li. 2 lisez dissimilere pour dissimile-
res. Au mesme f. li. 3. lisez la Crasse pour
les Cresses.

F. 139. li. 9. lisez fuligineuses pour fulgi-
neules.









LES SECRETS

DESCOVERTS DES ARTS

TANT DE LA PHARMATIE

que de celui de distiller : Vulgairement
nommé Alchemie ou Spargirie, par le
moyen desquels on paruiet à la perfection
Tant par Thoricq, que par Practique à
rendre l'or potable succinctement déduits
en forme de Dialogue.

*Premier Dialogue: Entre-parleurs,
le Maistre, & l'Aspirant en la
Maistrise de Pharmatie.*

LE MAISTRE.

On ne scauroit trop hono-
rer ceux qui par leur merite
sont portez par les ailles de
leur courage aux sciences,
pour lesquels nature les a faiet naistre.
Je ne fais aucū doubte (Amy trescher)

A

que vous qui aspirez à la Pharmacie, n'ayés employé vostre temps à l'intelligence d'icelle pouffé du bebvair que debuez enuers Dieu, pour vous en acquitter enuers les hommes. Je croy que ce iour d'huy iour de vostre Examen, vous rendrez telmoignage en la presence de tous vos Maistres de la bone opinion que iel'is en vostre face y remarquant vn œil gay, vn front polly & des iouës aucunement vermeilles, accident prouenât d'un cœur porté de liesse d'estre est prouué. Mariât donc cest opinion à l'effect que rendrez à bien respondre, Je me persuade que vous remporterez la Palme que vos veilles vous ont acquises, & nous l'oluiuer pour le repos & contentement que nous en receurons. Pour donc y paruenir, dictes si la Pharmacie est science ou Art.

L'Aspirant.
Messieurs j'oseray dire avec vos per-

missiōs que la hardiesse qui m'a poulsé de paroistre deuant vne si honorable compagnie, n'a esté fondée sur ma suffisance: Car ie sçay, Monsieur, que l'esclat de vostre doctrine trouuant en moy vn nuage d'ignorance, fera voir au iour mon incapacité, qui m'asseureroit d'un renuoy si vos graces n'y sont employez, sur l'asseurance desquels pour satisfaire à mon deuoir, & à vostre proposition: Je dis que la Pharmacie est vn Art.

LE MAISTRE.

Vostre prudence a engendré ce discours, & vostre humilité l'a fait naistre, qui confirme d'autant plus la verité de mon iugement: vous ferez voir vostre merite, ensuiuant la proposition ja commencée, à laquelle ie soustient que la Pharmacie est vne science.

L'Aspirant.

Monsieur, c'este grace qu'auez de

bien dire captiue mes sens dedans les liens de ma debilité, par la crainte que i'ay de ne vous pouuoir respōdre suffisamment, & neantmoins c'est vostre bonté, d'honorer mon demerite deslie mes esprits à l'aspect de tant de courtoisie, pour m'asseurer & vous dire, que la Pharmacie est vne science si ie la contemple, en ce que le Pharmatiē doit mediter pour cognoistre les medicaments. Mais si ie la considere en ce qu'elle prepare & meslent iceux: Je soustiens que c'est vn Art.

LE MAISTRE.

I'approuue vostre intention & le merite qu'auz d'auoir soustenu la verité, reste à esclaireir la difference qu'il y a entre science & Art.

L'Aspirant.

Elles sont distinguez par leur definition, Car la science (en ce qu'elle deppend de la Pharmacie, pour ne

m'esgarer à d'autres) est vne partie de la Philosophie contemplatiue, par laquelle nostre ame cognoist par la raison aidee de l'imaginatiue & de la memoire, qui contribuent ensemble leur pouuoir pour luy faire voir à nud les Idées vrayes de la matiere des medicaments, pour en considerer & iuger cōfortée par nos autres sens les accidents inseparables & separable d'iceux. L'art est vn instrument par le moyen duquel en agissant les medicaments sont preparez & meslez. C'est pourquoy Dieu à donné à l'homme par dessus toutes les creatures de la terre deux puissances : l'vne contemplatiue qui rend parfaicte & accomplie, Ceste partie de l'ame qui regarde & contemple la fin pour laquelle est faire sçauoir & entendre la verité. L'autre est l'actiue, laquelle à sa charge conformément à ceste raison pour parfaire ce qu'elle aura me-

dité, & ce par son instrument qui est la main.

LE MAISTRE.

Ceste docte deffinition me contente pour l'auoir prise en son vray sens: Mais vn autre doubte se met en ieu, qui est que la nature étant le principe du mouuement & du repos, n'est-ce pas elle qui faict produire & engendrer toutes les choses d'icy bas, qu'est-il donc de besoing de la science & de l'Art.

L'Aspirant.

Grand besoing, attendu que l'Art prepare les choses à quoy la nature doibt agir; que sans iceluy art lesdites choses demeureroient frustrée de paruenir à leur perfection; Tant pour le regard de leur generatiō, que d'vne dommageable faulte de n'estre preparez, pour la fin à quoy nature les à produites. C'est la cause pour laquelle les arts de preparer les medi-

caments ont estez instituez a deux fins. La premiere est, pour preparer la matiere qui prend son origine de la semence du masle & de la femelle, pour la disposer par icelle nature qui la rend plus parfaicte qu'elle n'estoit auparauant. L'autre est afin de corriger augmenter ou diminuer les qualitez des medicaments : Ainsi il y a deux sortes d'Arts à la preparatiō d'iceux, sçauoir l'art de distiller vulgairement appellé Alchemie ou Spargirie, pour le premier, & l'art de Pharmacie pour l'autre. L'Appoticaire doibt estre seul ministre des deux, d'autant qu'ils abboutissent en mesme fin, qui est de preparer les medicaments pour conseruer la sante & guarir les maladies : L'Appoticaire dōc pour à celle fin qu'il paruienne à les bien preparer doibt sçauoir premierement les cognoistre, & pour y paruenir doibt commencer par leur

origine, principe, & cause, par lesquelles iceux sont engendrez.

Que s'il vous plaisoit me permettre les représenter, ie feray voir que iceux prennent leur fondement des elemēts & de la quinte-essence qui sont substances pure & simple quand ils sont prise chacun à part : Dont ce qui se peut imaginer est composé par la generation ou corruption d'iceux, soit qu'ils soient pris des animaux vegetaux & mineraux, lesquels different les vns des autres par la diuersité de leur production & nourriture.

Comme il se remarque es animaux lesquels ont ame motiue, sensitiue, & vegetatiue, laquelle a ceste faculté d'attirer, retenir cuire ou digerer & expulser leurs aliments en digérant le pur qui se conuertit en leur substance, & expulsant l'impur qui est leur excrement.

Les vegetaux ont ame qui attirent

la matiere propre pour leur nourriture, aidée de la chaleur du soleil & des astres. Icëlle retenuë & assimilée en leur substance, qui les faict croistre & augmenter par le moyen des ports, veines, nerfs, & artetaires, dont ils sont composez, qui la retiennent.

Les mineraux n'ont point d'ame qui sert pour les nourrir pour estre engendrée de matiere, laquelle se digere dedans la terre selon les climats ou elle est situez & assise, par le moyen des astres ou par leur influence, qui luy donne la forme selon qu'elle est dominée d'iceux.

La composition desquels choses selon qu'elle est faicte par leur generation sont prises des principes ou premiere causes, qui sont reduits en cinq parties. La premiere est la matiere, de quoy toute choses sont faictes. La deuxiesme

est la forme qui donne impression à cette matiere. La troisieme est le mouuement qui les faiēt viure, par le temps qui est le quatrieme, & le lieu le cinquiesme. Nous conioindrons le continu, l'infiny, & le vuide cōme accidents dépendans des trois dernieres: consideré qu'il n'y a mouuement ny temps, qui ne soit continu, ou discontinu, finy, ou infiny, & lieu que nous no⁹ deuōs imaginer qu'il soit cōme réply d'vn corps ou comme vuide. C'est pourquoy ce qui est naturellemēt est corps ou dedans vn corps, l'vn & l'autre abboutissent en vne cōposition qui releuēt des principes ou premieres causes. Lesquels il nous est necessaire de considerer en quatre façōs, sçauoir la matiere qui est ce de quoy pour le premier, ou nature s'aide à parfaire la forme, pour le deuxiesme qui est ce par

qui ceste matiere est muë & poussée par la cause efficiëte de laquelle pour le troisieme se faiët le cōmencement du mouuement, & ce pour quelque fin pour laquelle qui est le quatrieme la forme prend impression sur la matiere par le caractere quil'a faiët estre & nommer telle. Encore peut-on adiouster l'exemplaire & l'instrumentale. Par là ce manifeste que principe se peut dire cause, la difference des deux est que principe s'entend de ce dont procedde l'accomplissement ou la perfection de la chose engendrée: & cause ne s'entend que sur le principe séparé d'icelle, Comme il se voit en la cause efficiente & finale, & aussi à l'exemplaire & l'instrumentale. Les elements qui sont le feu, l'air, l'eau, & la terre. Sont aussi du principe & cōmencement, mais particulièrement despendant de la matiere les qualitez desquels ne se manifestent sinon que

lors qu'elle à reçu la forme , & par icelles naissent doubles vertus és medicamēts dont l'une se dit materielle, elementaire, commune & manifeste. L'autre formelle, essentielle, propre & occulte.

S'il vous plaisoit me permettre de passer outre pourtaire veoir tant par demonstration que par doctrine les differences des principes tant simple que composez & des causes qui servent à la nature d'instrumēt, dōt elle s'aide à parfaire les choses qu'elle engendre. l'ouvroirois la porte a vn grād secret non seulement pour bien cognoistre les medicaments, mais aussi pour les bien preparer & mesler.

Je diray donc que les choses qui se descouurent par nos sens nous sont premierement cogneus, & delà nous commencerons la doctrine. Et ceux que nous ne recognoissons que par l'entendement ou par l'imagination

la demonstration nous les fait appré-
dre. Les principes & premiere cause
estant de telle essence nous commen-
cerons par elle.

Nous considererons donc la ma-
tiere comme ayant en soy les quatre
elements qui subsistent par ces quali-
tez contraires l'une en l'autre, & agis-
sent l'un apres l'autre. Et ainsi la gene-
ration & corruption se fait par con-
traires qualitez par le moyen des ele-
ments, dont le feu est excessiue-
ment chaud & moderement sec. L'eau est
excessiue-ment froide & moderement
humide. L'air est excessiue-ment hu-
mide & moderement chaud. La terre
est excessiue-ment seiche & moderem-
ent froide. De ce meslange de matiere
elementaire & des qualitez contraites
il se fait deux autres qualitez, (çauoir
actiues & passives, les actiues sont le
chaud & le froid, & les passives l'hu-
mide & le sec. Nature fait iouer le

ressort de leurs mouuements, par le moyen qu'elle auctorise les actiues de dominer les passiuës, qui faict qu'elle leur donne en souffrant leur qualitez. Consideré qu'il ne peuuent agir ne souffrir les vnes sans les autres. Non pourtant qu'il s'engendre l'une de l'autre: d'autant que la chaleur n'engendre le froid, ny le sec ne produit l'humide, ains plustost se ruineroient, où il faut dire que icelles qualitez s'engendrent l'une apres l'autre. Côme la matiere est creuë au cōmencement de sa generation, à cause que le froid domine: & alors qu'elle commence à se meürir, le froid diminuë adonc la chaleur prend sa place selon que les qualitez passiuës sont disposez de les recepuoir des actiues. Ces varietez de qualitez, naissent les accidents inseparables & separables que la doctrine nous apprendra à cognoistre, cōme nous dirons en leur lieu, pour pa-

racheuer ce que nous auons à dire de la demonstration.

De ce meflange de qualitez contraires s'engendre vn corps par ces indiuiduz, defquels par la varieté & quantité de ces figures fe produisent les efpeces & d'icelles les genres, car nature ne cognoift les genres que par les efpeces qui ne peuuent eſtre fans ſubſiſter, laquelle demeure bornée de chacun corps par la compoſition de ces parties, qui l'vnit en vn tout ou cōtinu, lequel ſe termine en nombre qualitez & quantitez, ſelon l'ordre compoſition & ſituation d'icelles parties, dont le tout prouient de la matiere priſe de la ſemence du maſle & de la femelle mis enſemblement, faiſt que ceſte premiere matiere ſe change toute à la generation, par la corruption qui cauſe la priuation de ſa premiere forme par double contraire. La premiere eſt celle qui ſe change

par icelle corruption laquelle faiet separation de l'impur pour en laisser le pur qui est le germe ou principe de la generation & premiere matiere d'icelle. L'autre qui se fait par le changement & mutation des qualitez cōtraïres qui cause que ce qui est trop froid s'eschauffe, & ce qui est trop chaud se refroidit, ce qui est trop sec s'umeetent, & ce qui est trop humide se seiche par les qualitez l'une de l'autre, l'une en l'autre, & l'une apres l'autre: que nature prend pour faire naistre toutes les choses que nous voyons, qui croissent & augmentent, tant en qualité que quantité en luy fournissant alimens propre pour la nourriture, & ce iusques à ce que ceste matiere soit paruenue à la forme figure & grâdeur destinée par icelle nature: Deuant donc qu'elle y paruienne, la priuation tient sa place, C'est pourquoy elle a lieu de principe, bien qu'im-

qu'improprement & par accident: Consideré qu'elle ne sert sinon que iusques à ce que la forme ait pris de la matiere ceste figure & grâdeur qu'elle reçoit par le moyen des causes efficiente, finale, exemplaire, & instrumentale, qui sont comme j'ay dict les instruments de la nature.

L'efficiente donc a pour adjoinct le temps, le mouuement & le lieu. Pour le regard du temps il se considere en quatre sortes sçauoir le commencement, l'augmentation, l'estat & la declinaison. Le commencement paroist lors que le germe de la semence soit de sa matiere, deslors l'augmentation prend sa place, laquelle faict que la chose engendrée ne cesse de croistre, pourueu que l'on luy fournisse d'aliments propre, pour la faire paruenir iusques à sa perfection; ou ceste premiere matiere est vestuë de sa forme, qui est l'estat où icelle est conseruée

tant & si longuement qu'elle y doit
demeurer & iusques à la declinaison
qui est le dernier temps. Doncques
au commencement du temps, c'est à
dire, lors que ceste premiere matiere
prise de la semence quand elle com-
mence à germer elle passe en Occidēt,
où là se fait diuision des elements par
la pourriture & corruption d'iceux.
Par le moyen de laquelle nature se-
pare l'impure, & tirer le pur, qui cause
sa descente en retrogradant qui est
le principe de la matiere. Apres la-
quelle icelle monte en l'Orient, où là
elle croist par la nourriture qui se dira
le deuxiesme, qui est l'apriuation: de
là elle vient passer & s'asseoir en sa
chaize ardente, qui est au Midy, où
elle s'arreste & demeure pour le troi-
siesme qui est la perfectiō de la forme.
Le quatriesme est quand elle vient à
decliner.

Pour le mouuement il y en y a de

deux sortes, ſçauoir le droit, & le circulaire. Le droit ſe diuiſe en deux, comme du haut en bas ou biẽ du bas en haut, lequel deſpend de la ligne qui demeure en partage aux elemẽts dont la terre, & l'eau tendent au Centre, & le feu & l'air môtent à la ſphere: le Circulaire eſt celuy qui eſt fait tant par le mouuement rapide qui rait toutes les ſpheres, que par le mouuement particulier de chacune planete, qui paſſe à l'entour du Centre faiẽt mouuoir les elements. Leſquels mouuements ſe doibuent conſiderer ſçauoir celuy de la ligne par le mouuement propre de la premiere matiere, comme le Circulaire pour celuy qui donne l'action d'agit par l'influence: d'autant que le mouuement propre qui eſt l'ame de la matiere n'auroit aucun pouuoir de produire ſon effect ſans le Circulaire, lequel n'eſt en icelle matiere ny naturel ny contre nature,

ains occasionné ou non naturel, lequel aide le naturel ou propre à produire ces fonctions.

Le lieu se considere ou plein ou vuide, lequel vuide nature ne peut souffrir ainsi les choses qui engêdrēt, sont contenuës ou contenantes. En la generation le germe productif est celuy qui est contenu, & la matrice celle qui contient. Ce germe est vivifié dedans la matrice qui nourrist, qui tient lieu selon qu'il est augmēté. Il y a diuersité de lieux ou matrices selon la difference dissemblable qu'il y a entre les animaux, vegetaux, & minéraux. Les animaux ont chacun la matrice de leur femelle selon leur espece. Les vegetaux ont la terre pour matrice qui contient & faiēt germer leur semence. Les minéraux ont leur eau pour matrice dedans leur terre propre, selon les lieux, ou en icelle iceux sont digerez selon que les astres

les dominant, où bien par le feu approprié par l'art de distiller.

La finale cause de nature préd pour son instrument la ballance pour proportionner le poix des Elements, à la quantité que nous voyons que chacune forme est parfaite: Selon l'harmonie des qualitez d'iceux: de ce poix prouient la complection & qualitez, tant materielle que effencielle des medicaments.

Pour l'exemplaire nature n'a que sa propre force imaginatiue prise de la semence du male & de la femelle, aidée de la chaleur non naturelle ou artificielle, qui luy seruent d'instrument à former toutes les figures que nous voyons, s'il n'auient qu'elles ne soient empeschées, par fortune qui arreste par accident son action. D'autant qu'elle desuoient le cours que icelle nature prend à mouler les figures de chacune forme. Neant-

moings son pouuoir ne s'estend que sur vn subiect qui aduient le peu souuent. Si nous considerons comme toutes choses se font, ou tousiours, ou presque tousiours, ou le peu souuent d'une sorte. Celles qui ce font tousiours d'une sorte sont les celestes, desquels le cours est certain perpetuel & immuable. Le plus souuent sont les naturelles, cōme de faire deux pieds, deux mains, cinq doigts, & ainsi des autres mēbres selon leur proportion. Le contraire de ce que presque tousiours, est le peu souuent. Comme quand il arriue quatre pieds, ou quatre mains, ou six doigts à vne main. A ce troisieme donc fortune peut empescher la nature, tant par l'alteration & changement de l'imaginatiō, que par l'excez du trop ou trop peu de la matiere, soit de celle qui engendre ou de celle qui nourrit.

L'instrument de la nature est la cha-

leur tât intrinseque que extrinseque: la premiere est effétielle de la seméce d'où elle dériue, comme l'autre est causée des astres: ou bien par le feu occasionné, approprié selon l'Art. Partant il y a double chaleur celle du dedans & celle du dehors: dont il y en y a trois au dedans, sçauoir la chaleur naturelle, elementaire, & contre nature. Et vne au dehors qui est la non-naturelle. Le feu naturel est celuy qui est actuel, ou essentielle, ainsi comme l'ame est de sa forme. Elementaire est celuy qui est en puissance ou materiel, comme celuy de la seméce. Celuy contre nature est celuy qui pourrist la semence pour extraire d'icelle le germe. Le non-naturel est celuy qui donne le mouuement aux autres. L'Art en a cinq selon qu'il est besoin de digerer la matiere, (sçauoir celuy de lampe du bain marie, celuy de cendre, de sable, & de charbon.

Voilà ce qui se peut demonstres des principes aux premieres causes. Ou nous concludrons & dirons que la generation des choses se faiçt par ces contraires, où il faut remarquer qu'il y a double contraire , d'autant que toutes choses ne sont disposez à agir l'un contre l'autre , comme ceux qui sôt dissemblables par la dissimilitude de leurs qualitez ou especes. Comme le mouuement est contraire aux qualitez, les qualitez cōtraires aux nombres. Aux especes les semences des minéraux, sont contraires aux vegetaux, pour leur generation à cause de leur dissimilitude. Mais bien de ceux qui sont contraires soit par la dissimilitude de leurs dimentions , comme és corps , le large & l'estroict ; aux qualitez le chaud & le froid ; au nôbre le pair & l'impair. Ainsi en la generation nature fait par contraires qualitez que le pur se separe de l'impur

pour sa perfection, comme l'impur pour son contraire: Qui constituë ceste varieté c'est la forme laquelle doit auoir quelque sujet dedans elle, par laquelle elle demonstre sa force, qui ne peut estre qu'en la matiere qui est cōtraire en la forme par la priuation, laquelle ne luy est comme i'ay dit cōtraire, sinon qu'en temps qu'il est besoing, qu'elle soit deuant que la matiere puisse receuoir sa forme. Laquelle matiere peut estre sãs la forme: La forme au contraire ne peut estre sans la matiere. La matiere ne desire point la forme pour estre simplement. La forme au contraire ne peut estre sans la matiere pour estre & subsister. Ce que nous iugerons mieux si nous considerõs que toutes les choses qui sont au monde sont faictes ou parfaites, tant par nature, que par art, par cinq sortes, La premiere est le changement seul de la matiere, sans qu'elle

reçoive de perdition en la substance, cōme en l'impression. La deuxiesme par detraction, où il y a de perdition de substance: Comme en l'extraction ou à l'expression. La troisieme par l'ordre & composition des parties, comme à la meslange & composition des medicaments. La quatrieme par l'augmētation de la quantité ou qualité qui se faiēt par la nourriture. La cinquiesme par l'alteration de la semence, laquelle se faiēt par la corruption de sa forme qui se change pour en reuestir vne autre, par celle d'où elle auoit pris origine. Voila ce qui se peut dire succinctemēt des principes par la demonstration.

Pour le regard de la doctrine: c'est vne science qui s'acquiert par la cognoissance des accidents, tant inseparable que separable des medicaments, receuë & discernée par nos cinq sens, qui les distribuë en nostre

raison, laquelle les distingue selon qu'ils sont compris, tant sous la substance que sur la saveur, odeur, & couleur, qui sont au dedans du corps des medicaments, comme la faculté d'iceux prend nom d'accident separable: La distinction desquels, nous apprendra à les bien cognoistre. Nous dirons donc que la substance est vn nom general qui contient tout ce qui peut subsister de soy, soit qu'il ait corps ou qu'il n'en aye point.

Le corps se definit par la quantité prise selon ces dimensions sçavoir, longueur, largeur, & profondeur: qui releuent de la ligne, du centre & de la superficie: Lequel corps ne peut estre sans quelque subiect, qui sont les qualitez ou accidents inseparables & sans subsister, fait qu'icelle substance est bornee par accident, tant du corps des medicaments que de leur qualitez: Qui fera que nous la di-

uiferons en trois ſçauoir, pour la premiere ſur le corps des medicaments. La deuxiefme ſur leurs qualitez : La troiſiefme ſur l'vne & l'autre.

Le corps donc des medicaments à huit ſubſtances, ſçauoir leger, peſant, rare, ſolide, craſſe, tenu, lente & friable. Les medicaments qui ſeront trouuez eſtre legeres & rares : ſeront dictz eſtre engendrez de matiere, ou le feu domine les autres Elemens, lequel engendre la ſubſtance tenuë & ſubtile: D'autant qu'il dilate icelle matiere qui l'a faiët eſtre leger & rare. La peſanteur & ſolidité eſt engendrée de matiere où le froid eſt cauſe efficiëte. Le pouuoir duquel eſt de lier, vnr, & époiſſir la ſubſtance; d'où vient la peſanteur & ſolidité. Le corps qui eſt cras & lent eſt compoſé de matiere humide, dont les qualitez de la chaleur & froideur ſont moyennes : Qui rend la ſubſtance adherante

& tenante. Celle qui est tenuë & friable est cōposée de matiere terrestre, dont les qualitez actiues sont moyennes: destituée d'humidité qui rend sa substance subtile & facile à pulueriser. Nous dirōs donc que les corps qui sont de substance legere, & rare: sont engendrée de chaleur. Les pesans & solide de froid. Les lentes & crasses, d'humidité, Les tenuës & friable de tēstretité. Voila pour la premiere.

Pour la deuxiesme substance prises des qualitez. Elles sont trois, Sçauoir tenuë, crasse, & dissimilaire. La cōgnoissance desquels paroissent par les saueurs. D'autant que la substance de la saueur acre, onctueuse, & aigre, est tenuë. Comme la substance de la saueur amere, incipide & de la serbe, est crasse: & la substance de la saueur salée, douce & de l'austere est moyenne entre la tenuité & la crassie.

Voila pour la deuxiesme.

Pour la troisieme substance prise tant du corps que des qualitez des medicaments: D'icelle sort la difference entre la substance passible & impassible: Lesquels engendrent ou produisent les qualitez potentielles, & actuelles. La substance passible, de laquelle la qualite potentielle prend origine: Est celle qui par la chaleur naturelle ou artificielle, est mise de puissance en effect. La substance impassible dont la qualite est actuelle: Est celle qui recoit l'impression de la chaleur naturelle ou artificielle, sans que sa substance en recoive alteration: qui puisse changer sa forme. Comme l'or & l'argent lesquels ne recoivent mutation ou changemēt en leur substance qui puisse depraver sa forme, tant qu'ils subsistent en icelle forme metalique. Voila pour la substance.

Après laquelle suit la saveur, Qui

est vne qualité recogneuë par la langue par la percolation de l'humide au sec. Car premier que iuger de la saueur, il est besoing que la langue & le palais en soient imbuez & remplis: par l'impression d'icelle. Il y a de neuf sortes de saueurs. Sçauoir l'acre, l'amer, & la salée. Qui sont de complexion chaude. L'aigre, l'austere & la serbe de qualité froide. L'onctueuse, la douce & l'incipe de temperamēt moyen entre la chaleur & froideur. La saueur acre est engendrée de matiere terrestre & ignée: en substance tenuë, l'amer est engédrée de matiere terrestre, élaborée par la chaleur en substance crasse. La salée est faite de matiere terrestre & aqueuse, digérée par la chaleur en substance moyenne. L'aigre est composé de matiere terrestre, & aqueuse: en substance tenuë. L'austere est cōposé de matiere terrestre & aqueuse; en substance

moyenne. La Serbe est engendrée de matiere plus terrestre & aqueuse que l'austere en substance crasse. L'onctueuse est composée de matiere aérée & ignée en substance tenuë. La douce est engendrée de matiere bien digerée en ces elements, en substance moyenne : l'Incipide est engendrée de matiere aucunement digerée en substance crasse.

Les effects de la saueur acre, est qu'elle enflame, brusle, penetre, attire les ferozitez, discipe les flatuositez, atenuë, coupe, separe, resoult, attire de loin, desseiche, amaigrit, & prouoque la soif. Les effects de l'amer est quelle, vlcere encrute, desseiche, amaigrit, prouoque la soif, ouure l'orifice des veines, conserue du putrefaction, de terge, incize, engēdre tranchée en consommant l'humidité radical, conturbe & subuertit, à cause qu'elle poingt & mord, resoult & attire.

La

La falée, diuise, deterge, poingt, conserue de putréfaction, conturbe subuertit le ventre qui prouoque le vomissement, expurge, & ouure. Cela se faiet plus lentement que les medicaments amers: Mais en recompence elle a cest' aduantage, que nature l'a receoit avec plus de contentement à cause qu'elle participe plus d'humidité, qui faiet qu'elle liquifie.

L'aigre penetre, incize, attenuë, disjoint: Cela se faiet par sa tenuité & chaleur foible: Et d'autant qu'elle est froide elle condence, exaspere & esteint la chaleur.

La Stiptique, condéece, repercute, corrobore, englutieue, contrainet & arreste.

La saueur Acerbe à les mesmes facultez mais en plus haut degré: pour estre de substance plus crasse.

L'onctueuse leuié, lubrifie, lasche, detache, amolit fait vomir: A cause

qu'elle detache & rend lasche les ligaments des fibres & tunicques de l'estomach, engendre ventositez causée par le peu de chaleur & beaucoup d'humidité, reprime la saueur acré, amere & sallée.

La douce laue, oste les aspretez, leuie, bousche les ports & veines du foye, parce qu'elle est attirée par luy d'un amour auide: Elle est ennodiue, elle resiste contre la saueur acré & amere, L'Incipide corrobore par le moyen de sa substance crasse.

Pour l'odeur c'est aussi vne qualité laquelle se communicque au cerueau par le benefice des nerfs qui sont plantés es narriues qui la reçoit de l'air qui nous enuironne imbué de la chose odorante. Il y a deux sortes d'odeurs en general sçauoir, bone & mauuaise, la bonne est engendrée en substance moyenne ou tenuë, dont les degrez de la temperature se considere à la

hauteur de son odeur forte ou douce: fait que les médicaments qui ont odeur suauë & bonne seront à préférer & iugez tres-bons, à cause de la digestion de leur matiere, dont l'effait attenuë l'époissleur des esprits par leur cause efficiente Comme par la materielle fortifie & corrobore les parties ou elle est contenuë. La mauuaise odeur est engendrée d'vne matiere humide indigeste & pourrie, qui cause l'engourdissement des esprits, detache les ligamēts des fibres de l'estomac. Par le moyen dequoy le vomissemēt est prouocqué.

La couleur est vne qualité es médicaments recogneuë par la veuë moyennant clarté: Il y en ya de six sortes Sçauoir la noire, la blanche, la verte, la rouge, la jaune, & la violette. La couleur noire se fait en deux sortes selon que la chaleur où froideur qualité active dominēt sur l'humidité ou

seichereſſe qualitez paſſiues. Ainſi la chaleur agente ſur matiere humide, la noircit: Comme auſſi elle blanchit la matiere terreſtre en conſommant & reſoluant l'humidité iointe à icelle: La couleur blanche eſt engendrée de cōtraires qualitez que la noire. D'autant que le froid blanchit la matiere humide, ainſi comme elle noircit les choſes qui ſōt de meſme matiere terreſtre deſtituez d'humidité æres. De ces deux couleurs cōme contraire: Les quatre autres en prouiennent ſelon leur meſlange. Comme la verte tient plus du froid que de la chaleur, & plus de l'humide que du ſec en matiere creuë & indigeſte: La rouge tient des quatre qualitez eſgallement ſemblable parfaite en digeſtion: toutesfois la chaleur & humidité dominant les deux autres. La iaune tient plus de chaleur que de froid, de ſec que d'humide: du degré de ſuperdi-

gestion. La violette ou liuide tient plus de froid que de chaleur, plus d'humide que de sec; En matiere cōsommée par la chaleur. Il y a plusieurs couleurs composées des susdites qui paroissent haultes ou brunes: selon la proportion de la qualité d'iceux. Voila pour les accidens inseparables.

Reste à traicter de ceux qui sont separables, La cognoissance desquels se remarque par leurs effects prise de leur qualité, laquelle est aidée par l'action de nostre chaleur naturelle, qui nous demonstre leurs vertuz & facultez diuisez en trois. La premiere faculté est celle qui par la meslange des quatre elements fait que la qualité d'iceux est reduite en cōplection, par le moyen dequoy simplement il nous eschauffent, refroidissent humectent ou seichent: où bien estant cōposez nous eschauffent & humectent

ou eschauffent & desseichent, ou bien nous refroidissent & humectent ou refroidissent & desseichent. Selon la classe de leurs degrez qui sont quatre, sçauoir, premier, deuxiesme, troisieme & quatriesme, Lesquels sont subdivisez en premier milieu & fin de chacun d'iceux degrez.

Dont les effets de la chaleur a ceste faculté d'amasser le corps & separer les parties selon l'ordre de sa composition. Plus penetre ouure, rarefie, attenne, digere, discute, mortifie, engendre la soif, enflamme, attire, fond, putresce, brusle, fait vessier, coherise, refroidit en ostant la matiere qui enflamme, debilite en resoluant les esprits. Lesquels facultez se font selon chacun leur degrez, dont le premier est celuy lequel nous eschauffent sans aucun sentiment. Le second est celuy lequel avec apparence nous eschauffent Comme les medicaments qui at-

tenuent, rarefient, maturent, cuisent, & aussi ceux lesquels dissipent les vé-
tositez. Le troisieme est celuy lequel
est accompagné d'un sentiment ex-
quis: Comme les medicaments qui
ouurent, poindrent, mordent: &
ceux lesquels cause la soif. Le qua-
triesme est celuy lequel enflamme,
fond, putrefie, vessie, rubrifie, cothe-
rise. Toutes lesquels facultez se peu-
uent expliquer en telle sorte sçauoir.

Les medicaments qui attenuent,
veut dire qu'ils reduisent les humeurs
de substance crasse en subtiles. Ceux
lesquels rarefient: c'est à dire qu'il di-
latent & ouurent les ports des parties
du corps. Les maturatifues sont ceux
lesquels digerent l'humeur indigeste.
Coction est ceste faculté de nostre
chaleur naturelle laquelle digere l'a-
liment pour nostre nourriture qui la
conuertit en nostre substance.

Les discutians, sont ceux lesquels

consomment les esprits ou les humeurs subtiles par incenssible respiration.

Les Aperitifz sont ceux lesquels ouurent les voyes, ports, veines, arteres, & vreteres.

Les mordicatifs sont ceux lesquels penetrent avec obscure diuision & solution de continuité.

Dessication est vne consommation de l'humeur naturelle.

Soif est vn appetit des choses froides & humides.

Inflamation est conuertir les humeurs au plus haut degré de chaleur.

Attraction est vne extractiõ d'humeurs ou d'esprits.

Collication est fõdre les humeurs & les separer de leur lieu.

Putrefaction est vne resolution & dissipation des esprits ou humeurs naturelles reduits à vne qualité corrompue & pourrie.

Corrosion est consommer la chose ou partie d'icelle.

Vessie est vne attraction des humeurs tenuës & subtilles.

Rubrifier est vne attraction du sang porté à la partie.

Coterizer est vn bruslement fait au Cuir par la chaleur du quatriesme degré cõtenuë en vne substãce crasse.

Les effets du froid, reunit à soy la substance de son tout, incrasse, condense, repercute, engendre crudité, fait obstructiõ, opille astreinct exprime, congelle, stupefie, mortifie, rend la substance des parties immobiles & sans sentiment, rechauffe en reserrant les parties ou la chaleur naturelle est contenuë.

Les medicaments qui nous rafraichissêt au premier degré, se font avec obscurité.

Ceux du second incrasent, condensent, repercutent, engendrent

crudité, bouchent, opillent.

Le troisieme nous minutte de la douleur: Comme ceux lesquels font astriction & expression.

Ceux du quatrieme degre, congelent, stupefient, & mortifient.

L'explication de ces facultez, est que les medicaments lesquels incrassent, sont ceux qui épaississent les humeurs tenuës.

Ceux qui condensent, vnissent à soy les parties, les contraignans à se fermer.

Repercuter est renvoyer les humeurs a dedans qui tombent sur les parties.

Crudité est empescher la chaleur naturelle à faire ces fonctions.

Obstruction est vne opilation & bouchement faicte és ports, voyes & conduits.

Astriction est vne vnion & liaison des ports & voyes du corps.

Expression est vne repercussion & repouſſement des humeurs cõtenuës es ports & voyes.

Congellation est endurcir les humeurs qui ne peuuent eſtre en vn corps viuant.

Stupefaction est vne incenſibilité & immobilité de la partie.

Mortification est vne extinction de la chaleur naturelle dont il ſ'enſuit vne noirceur ou liuidité.

Les médicaments qui humectent, lauent, lubrifient, adoucissent leuiët, eſtinguent la ſoiſ, laſchent, ſeparent, font vomir.

Ceux du premier degré humectët obſcurement.

Ceux du deuxiefme lauent, lubrifient, adoucissent, liſſent, eſteignent la ſoiſ.

Ceux du troiſiefme degré lachèt les lignaments diſſoignent & ſepare les jointures, font vomir.

Ceux du quatriesme degré sont ceux lesquels humectent avec peril de la vie encore qu'il n'y en ait point qui puisse monter à ce quatriesme degré, d'autant que l'humidité est de qualité passive & non active.

Pour l'explication, nous dirons que l'ossion est vne expulsion des vapeurs fulgineuses, adherante de parties causées de l'humeur brulée.

Leuier est adoucir ou rendre esgal ce qui estoit auparauant aspre & in-esgal.

Lubrifier est amollir les parties ou humeurs qui sont rendues fluides ou coulantes ou bien vne extention ou detension des voyes & conduicts.

Extinction de soif est humecter ce qui estoit sec.

Les medicaments qui desseichent ont ceste faculté qu'ils astringent, detergent, resoluent, englutiuent, rident.

Ceux du premier degré, sont sans

apparens de sentiment.

Ceux du deuxiesme paroiffēt avec vne moderée astringtion, deterfion, & resolution.

Ceux du troisieme degré, ce faiēt avec douleur Cōme astringtion forte, glutination, corrugation, & soif.

Il n'y a point de medicaments qui desseichent au quatrieme degré pour les mesmes causes que j'ay dit de ceux qui humectent.

L'explication d'iceux est qu'astringtion est vne liaison & vnion des ligaments.

Deterfion est expurgation des humeurs adherante de parties.

Resolution est vne consommation des humeurs.

Glutination est vne liaison & reunion des lœures d'une playe.

Corrugation sont rides faiētes à la partie par la consommation de l'humidité radicale.

Soif est la partie disiointe par l'humeur consommée. Voila pour les premieres facultez.

Pour les deuxiesmes lesquels agissent selon que les qualitez actiues dominant les passives: Comme sont les medicaments qui épouississent, ou rarefient, restreignent ou laschent, engrossissent ou subtilisent nettoient, ou sallissent, attirent, ou repercutent, amolissent, ou endurecissent, supurent ou putrescent, ouutent, ou ferment, incarnent, ou vlcèrent.

Il y en a encores d'autres qui ont particulier égard à digerer, croistre, augmenter ou diminuer, les humeurs prouenant de la premiere deuxiesme ou troisieme digestion.

Les medicaments qui épouississent sont composez de matiere aqueuse & terrestre, en substance crasse; par le moyen de laquelle les humeurs reuës & subtiles sont condensez &

époissis.

Ceux lesquels rarefient sont engendrée de matiere aérée & terrestre: dõt la chaleur domine au deuxiesme degré en substance moyenne estant plus humide que secs, qui faißt que les humeurs visqueuses sont rendues fluides: ouurent, & dilatent les ports tant du cuir que des parties. Il y en y a d'autres qui ont pareils effects, mais en plus haut degré de chaleur & seicheresse: Comme au troisieme ou quatriesme, Lesquels sont les discutians, resoluans, & dissoluant: comme estant de substance plus tenuë.

Ceux lesquels restreignent sont composez de matiere aqueuse & terrestre, dont le froid domine en substance moyenne ou crasse, & pource ils retrecissent la bouche & orifices des veines arteres & autres parties du corps.

Ceux lesquels lachent sont com

posez de matiere humide, ou la chaleur domine en substance moyenne, ayant la chaleur pouuoir de disjoindre & l'humidité de detendre.

Ceux lesquels subtilisent sont composés de matiere de substance tenues, Il penetrent en incizant les humeurs, soit qu'il soit chaud comme le poiure, ou froid comme le vinaigre, disjoignent & separent les parties ou sa chaleur agit.

Ceux lesquels detergent, ils sont composés de matiere terrestre & ignée, en substance crasse ou moyenne; Affin qu'il puisse detacher les humeurs adherantes és parties de nostre corps.

Ceux lesquels sallissent sont engendrée de matiere aqueuse & terrestre en substance crasse temperée de froideur desechant sans aucune violence: fait que les parties de nostre corps sont englutiuees, & que les cautez

caüitez sont remplis. Ceux lesquels purgent sont composez de matiere terrestre, dont la chaleur a domination : Soit ou sur le deuxiesme ou troisieme degré en substance tenuë.

Il y a trois sortes de medicaments qui purgent en attirât. Les premieres par leur vertu essentielle ou par similitude de substance. Comme les medicaments qui purgent les trois humeurs. Les deuxiesmes sont ceux lesquels attirent par leur corruption: Comme le leuain, fiente d'oye ou de collombe.

Les troisiemes sont ceux lesquels chassent les venins, comme les Alexipharmiques, Scorpions, vif argët & autres.

Ceux lesquels repercutent sont composez de matiere aqueuse & terrestre, dont le froid domine en substance crasse: Aussi ont-il le pouuoir de reünir & fermer les parties, en ren-

uoyant l'humeur qui veut fluer deffus icelle, & defficher celle qui est fluee. Ceux lesquels amolissent sont composees de matiere terrestre & aerée ou la chaleur domine au deuxiesme degré & la seicheresse au premier: Parce qu'icelle chaleur doibt cuit & digerer l'humeur crasse, & la seicheresse doibt empescher que le plus subtil de l'humeur ne soit retoulte.

Ceux lesquels endurecissent sont composez de matiere aqueuse & terrestre dõt le froid domine sur le deuxiesme ou troisieme degré temperée en seicheresse & humidité: Neantmoins sont de matiere plus aqueuse que terrestre: d'autant qu'il endurecissent sans astringtion: Ce qu'il ne feroient si la matiere terrestre estoit par dessus la quaufité.

Ceux lesquels supurent sont composez de matiere terrestre dont la chaleur a domination; affin qu'icelle

attire l'humeur qui est préparée & secs pour retenir celle qui fluë.

Ceux lesquels putréfient, sont composez de matiere humide, indigeste, & corrompue par la chaleur en substance moyenne: laquelle est diamétrallement contraire à la nostre: d'autant qu'elle la pourrit & putréfie.

Ceux lesquels englutie sont composez de matiere aqueuse & terrestre; dont le froid domine au premier degré & secs au troisieme pour conformer l'humidité excrementeuse d'une playe, & réunir les léures d'icelle.

Ceux lesquels ouurent sont composez de matiere aqueuse aérée & terrestre. Dont la chaleur domine au deuxiesme ou troisieme degré de substance moyenne; la chaleur fait qu'il penetre de loing: l'humidité relache, & la seicheresse affermit les veines arteres & viteres.

Ceux lesquels incarnent sont engendré de matiere terrestre dont la chaleur domine au premier ou deuxiesme degré: qui resoult l'humeur qui flue comme la seicheresse consomme celle qui est ja fluée.

Ceux lesquels vlcèrent sont composez de matiere terrestre, dont la chaleur domine au quatriesme degré de substance crasse pour brusler & consommer l'humeur de la partie ou il sont appliquez y induisant pourriture & noirceur.

Pour le regard de ceux lesquels accroissent diminuent, ou digerent les humeurs sont ceux lesquels prouocquent les sueurs, ou qui les arreste; ceux lesquels engendrent le laict ou qu'ils tarissent. Ceux lesquels augmentent la semence ou qui la diminuent. Ceux lesquels prouocquent les mois ou bien qui les empeschent. Ceux lesquels donent voyes aux hemoroi-

des, ou qui les ferment. Ceux lesquels font vriner & aussi ceux lesquels embellissent la face.

Ceux-là lesquels font suer sont composés de matiere humide aérée & terrestre ou la chaleur domine de substance tenue font qu'il incizent & digerent les humeurs par leur chaleur qui se monte au deuxiesme ou troisieme degré humide au premier afin de rarefier les parties.

Ceux lesquels empeschent les sueurs sont contraires en substance & qualitez à ceux qui les prouocquent. Ceux lesquels augmente le lait sont ceux lesquels digerent, incizent & attenuent le sang pour estre de qualité chaude & seiche en substance tenuë.

Ceux lesquels le tarißent sont froids & secs en substance crasse.

Ceux lesquels augmente la semëce sont chauds & humides au premier ou deuxiesme degré de substance fla-

épileuse ou moyenne. Ceux lesquels empêchent la semence, sont ceux lesquels sont chauds & secs au troisieme ou quatrieme degré: D'autant qui la discutent & consomment, & aussi ceux qui sont froids & secs à tous les degrez, ceux là l'époississent & la consomment par leurs seiche-
resses.

Ceux lesquels prouocquent les mois, sont chaud au troisieme degré & secs au premier ou au deuxieme: d'autant qu'il est besoing de deterger & atténuer les humeurs lente, ensembler ouvrir & dilater les conduits veines & voyes de la matrice.

Ceux lesquels les arrestent sont froids & secs, pour époussir le sang, fermer & boucher les veines.

Ceux lesquels font ouvertures aux hemoroides sont les apperitifs & atténuatifs, lesquels en incizant le sang dilatent les parties.

Ceux lesquels les bouchent, sont les repercutits & astringens. Il y a de deux sortes de médicament, lesquels sont vriner. Les premiers sont chauds & secs de substance tenuë par le moyen de laquelle chaleur & tenue le sang en se fondant separe la ferozité, laquelle entreës vaisseaux vretaires. Les autres sont modere-ment froids & humides, pour reprimer la chaleur & seicheïesse prouenant tant des humeurs acres que des parties enflammées.

Ceux lesquels embellissent, sont ceux qui blanchissent la noirceur de nostre face, prouenant des fumées fuligineuse, engendrée de la bile ou de la melancholic brulée, ou bië par l'excès de la chaleur du Soleil, ou bien par l'excrement prouenant de la troisieme coction, qui tache nostre cuir.

Ceux la qui ostes les rides, qui si-

catrizent, & qui consolident les thumeurs sont dictés estre embellissant: parce que les accidents susdicts, perdent la grace & decoration de nostre face. Cela est la raison pourquoy il y en ya de plusieurs sortes: Ainsi d'oc ceux lesquels blanchissent, sont de qualité froide & humide.

Ceux lesquels nettoient sont de-
terfifs.

Ceux lesquels ostent les taches, sont astringeât mediocrement, pour empêcher de monter les vapeurs fuligineuse.

Ceux lesquels ostent les thubercules, sont les rare-fians & discutâs.

Ceux lesquels derident sont thumides.

Ceux lesquels cycatrizent sont ceux qui remplissent.

Voila pour la deuxiesme faculté.

Reste à parler de la troisieme, laquelle prouient de la forme ou qua-

lité effencielle , propre à chacun médicament: La vertu de laquelle ne se manifeste par reigles generalles, ainsi comme les premieres & deuxiesme facultez: ains demeurent particuliere à chacun d'eux: Car encore qu'icelle deriue & prend son origine des deux premieres: Neantmoins la difference consiste au poix ou quantité que nature prend des elements, par le moyé desquels cette premiere matiere reçoit l'impression des premieres & deuxiesme qualitez qui luy demeure selon le pouuoir des elements, comme estant la baze & fondement de la forme par le meslange d'iceux, d'où vient qu'iceluy poix ou quantité change la qualité generale pour la rendre particuliere & propre à chacun médicament: Selon la fin pourquoy nature l'a faicte soit pour purger nos humeurs , soit pour auoir particulier esgard à chacunes de nos parties:

Qu'aussi pour chasser les venins ou poisons.

Laquelle se fait par l'action seulement de la qualité potentielle. Car ceux qui sont de qualité actuelle sont exceptez de cette reigle, d'autant qu'icelle ne peut rendre l'effect de ceste qualité essentielle, d'autant que leur substance est impassible, laquelle ne peut estre mise de puissance en effect par nostre chaleur naturelle: Comme la demonstration de la qualité active de l'or nous en sera vn fidel tesmoing. Car estant de substance impassible, subsistant en la forme métallique fait que la qualité demeure actuelle, laquelle est froide & seiche causée par son impassibilité, qui ne peut estre changée ny alterée par nostre chaleur naturelle, ainsi comme sont tous les medicamēts. C'est la raison pourquoy en la forme métallique de l'or, icelle estant pris par la bouche, soit

qu'elle soit limé & mis en feuilles, la qualité essentielle ne peut agir & partant n'a aucun effect, si ce n'est que ceste substance impassible n'est changée en passible, alors ceste qualité actuelle est reduitte en potentielle.

Ceste faculté doncques essencielles des medicaments agissent en trois façons, les premieres sont ceux qui purgent tant par dejections que vomitoires.

Ceux lesquels se purgent par dejections se font par trois manieres, sçauoir en attirant, leuiant, & comprimant.

Ceux lesquels attirent sont composez de matiere terrestre ou la chaleur domine au troisieme degré, de substance tenuë affin de penetrer es parties loingtaines & esloignée, cōme la scamonée, la colloquinte & autres.

Ceux qui purgent en leuiant ou

lubrifiant sont composez de matiere humide dont la chaleur domine au premier ou deuxiesme degré : affin de lascher les voyes & conduicts, & amollir les excrements pour les rendre coulants, cōme la casse, la mauue & violes.

Ceux lesquels compriment sont composez de matiere terrestre en substance crasse, ou la chaleur domine, laquelle matiere terrestre sert pour fermer les voyes, lesquels expurgent par expression les humeurs y contenuës. Comme la Rhubarbe, l'Absinthe, les roses : tous lesquels medicaments purgatifs ont vne particuliere & propre vertu à purger chacune de nos humeurs. Comme la Rhubarbe purge la bile, la garie, la pituithe, le Sené, la meracholie, liria, les ferositéz.

Il y a deux sortes de vomitoires sçauoir, forts & foibles, les forts sont

deux : Les premieres sont ceux lesquels ayant vne odeur puante & facheuse engêdrée de matiere corrompuë & pourrie, faiçt qu'elle engourdit les esprits de la vertu retentrissent par le moyen dequoy les liguaments des parties qui l'a contiennent sont laschées.

Les aultres sont ceux lesquels par leur acrimonie & amertume piquent les orifices fibres & tunicques de l'estomach: Qui les subuertit. Comme la scamouée la Colloquinte & autres.

Les foibles sont les huyles ou gresles lesquels lâchent les ligaments des fibres & orifices de l'estomach par le moyen de leur humidité.

Ceux qui ont particuliere faculté à conseruer nos parties il y en ya de deux especes, les premieres sont ceux qui estant pris au dedans ont vne particuliere propriété à conseruer

nos parties & chasser ce qui leur est nuisible par le moyen de leur qualité potentielle: Car ceux qui ont qualité actuelle ne le peuvent faire, si ce n'est par la réduction qui se fait par leur préparation en réduisant leur substance impassible en passible, qui rend leur qualité actuelle potentielle. Comme l'argent au cerueau, l'estain au paulmond, l'or au cœur, le fer au fiel, le vis-argent au foye, le Cuiure aux reins, le plomb à la ratte.

Les autres sont ceux lesquels agissent par similitude de substance & sans deperdition de leurs corps. Tout ainsi comme l'Aimant lequel a cette propriété d'attirer à soy le fer, par sympathie & affinité d'amitié qu'il a enuers luy. Comme par antipathie le Diamant, l'ongnon, ou l'ail, empesche son attraction. Pour les mesmes causes l'ongle de L'elan à cette faculté & propriété (sans estre changé

en substance) de delivrer l'aecetz
du mal caducque, & ainsi des autres.

Ceux qui chassent les venins, il y
en ya de trois manieres.

La premiere ce faict par attraction
Comme les Scorpions.


La deuxiesme par repercutiõ.
Comme le vif-argent.

La troisieme par fortification &
augmentation de la vertu, Comme
l'or, l'argent, les perles, pierres pre-
cieuses, & autres : Voila pour les fa-
cultez.



Handwritten text, likely bleed-through from the reverse side of the page. The text is mostly illegible due to fading and blurring.





LE MAISTRE.

En ne sçay qui vous à donné
l'inuention de dire les facultez
des medicaments , pour
en discourir si profondemēt
Veu que les Aspirants à la Maistrise
de Pharmacie, ne sont interrogez sur
iceux. Et neantmoins il est impossi-
ble à l'Appoticaire de s'acquitter di-
gnement de sa charge , sans les sça-
voir. Consideré , que le fondement
de son art, consiste à cognoistre les
medicaments , pour les bien prepa-
rer & mesler: afin de rendre la qua-
lité des compositions selon l'inten-
tion de Messieurs nos Medecins, c'est
pourquoy ie soustiés, qu'il est du tout
impossible de bien faire, & parfaire

les compositions, si les preparations ne procedent, laquelle n'est autre chose que augmenter, diminuer, ou réprimer leurs qualitez. Car comment seroit-il possible, de faire vne decoction, si l'on ne sçait observer l'ordre qui est necessaire à mettre les Ingrediens les vns apres les autres, pour acquerir & imprimer à icelle, leur vertu, qui sont si differens les vns des autres, pour auoir les vns leur vertu au Centre, les autres à la superficie, d'autres contenuës par tout leur corps. Dont leur substance arriuera qu'elle sera ou passible, ou impassible: De sorte qu'il est tres-necessaire à l'Appoticaire, de distinguer & cognoistre les qualitez des medecaments: s'il ne veut cōmettre mille fautes, à la preparation & mixtion d'iceux, au scandal de l'Art, au preiudice des malades, & au deshonneur de Messieurs nos Medecins, qui les

ordonnent. Car tout ainsi comme vn Ambassadeur, seroit indigne d'estre enuoyé à l'execution de sa charge, s'il ne sçait l'intention de son Maistre, pour luy apporter proffit. Ainsi en est-il de l'Appoticaire, lequel doibt sçauoir par les reigles de son Art, la volonté de Messieurs nos Medecins. Affin que la Republique en ait le proffit, luy l'honneur, & Dieu en soit eternellement glorifié.

I'ay dict.







SECOND TRAICTE.

LE MAISTRE.

L'ASPIRANT.

Le Maistre.



E bouquet qu'a-
uez si industrieuse-
ment agencé, pour
auoir arrenge si biē
leurs fleurs. Qui est
cette distinctiō que
vous nous auez representez en la co-
gnoissance des medicaments, Cueil-
lies au partere de la nature : Dont

E iij

l'odeur d'iceux est merueilleusement suauue. Je croy que les fruiçts qui en doiuent prouenir, & que vous auez à moissonner, qui est leur preparation, ne peuuent aultrement estre que tres-sauoureux; S'il est vray que vous ayez aultant employé de labeur à les cultiuer, comme vous auez eu d'industrie à les approprier: Continuez doncques à nous les faire goustier.

L'Aspirant.

Je commenceray (s'il vous plaist) à la preparation des medicaments: Laquelle est vne disposition acquise tant par l'Art de distiller, que de Pharmacie: par lesquels iceux sont vnis, corrigez, augmentez, & réprimez: Qui se faiçt tant par la sociation ou mélange de plusieurs medicaments, que d'un seul, & ce pour

trois raisons.

La premiere , afin de corriger leurs qualitez veneneuses, en appo-
sant d'autres, lesquels ont ceste force
de la rabattre.

La deuxiesme , pour augmenter
leur vertu trop foible , par ceux
qui ont le pouuoir de la releuer.

La troisieme, pour reprimer l'ex-
cez de leur vertu elementaire , par
d'autres de contraire qualité.

En ce meslange il est besoing d'ob-
server deux autres considerations.

La premiere est de mesler ensem-
ble ceux lesquels par l'harmonie du
poix de leurs elemens, simbolizent
par sympathie de consanguinité &
amitié qu'ils se portent entre-eux: &
se donner de garde de mesler ceux
lesquels par antipathie, se repugnēt
& discordēt, par l'inimitié qu'ils ont.

La deuxiesme, d'vnir les medica-
ments lesquels ont affinité & parti-

cullier regard à conseruer les parties de nostre corps: & se donner de garde de ioindre ceux qui leur sont contraire & dommageable.

Que par la coction infusion, lotion, trituration, & distillation, laquelle distillation est reseruee pour l'Art de l'Alchemie, le nom de laquelle est prise des Arrabes. Comme Spargirie des Eiclaouons, qui vaut autant à dire en François que distiller ou bien separer le pur de l'impur. Comme la definition le demontre, qui est qu'il separe & diuise les parties du corps des medicaments, pour en extraire le pur d'eux, en les reduisant en leurs premiere matiere, sçauoir en soufre, mercure & sel: Qui preparez & incorporez ensemble, ils sont reduits à vne autre meilleure forme qu'ils n'estoient deuant: Dont la nature est la cause, l'Art l'instrument, l'Appoti-

caire l'Operateur, & le medicament
la matiere.

LE MAISTRE.

Vous refueillez vn Art endormy
dedans les courtines de l'oubly, le-
quel est œilladé de trauers par Mes-
sieurs de la faculté de Medecine.
Poussez par aduenture de la dinerfité
de doctrine, entre Hypocrate, & Pa-
racelse grand sectateur de cest Art.
Lequel soustient & nous veut faire
croire, que nostre corps est compo-
sé de soulfhre, sel, & mercure. Au
preiudice de la doctrine d'Hipocrate
qui assure que nous sommes com-
posez d'esprits, d'humeurs, & de
parties.

Plus iceluy Paracelse, nous veut
apprêdre que les maladies sont gua-
ries par leur semblable, peruertissant
l'intention d'Hipocrate, qui dit que

les maladies sont guaries par leur cō-
traires : Ceste diuersité doncques de
doctrine, n'est-elle assez forte, pour
vous persuader que celle d'Hipo-
crate laquelle est en vsage, & ap-
prouuée par Messieurs de la faculté
de Medecine est la meilleure, Com-
me l'autre est eronnée & inutile:
Car en icelle doctrine il n'y à espe-
rance de proffit: Veu que les pro-
fesseurs qui en ont escript, ne se font
aucunement entendre, pour estre
leurs escripts du tout intelligibles.

L'Aspirant.

O! que volontiers ie ferois vne
exclamation approchante à celle
que fit Alexandre le Grand, lors
qu'il dist à Philippe de Macedône
son pere: Quand il renuoya le Che-
ual Bucephal, pour luy sembler beste
viciëuse, sauuage, & inutile. O

Dieux (dit-il) quel cheual, il rebutte pour ne sçauoir à faulte d'adrefle, & d'hardieffe, s'en feruir. Ainsi ie vous diray, ô Dieu quel Art, vous voulez rebutter, par faulte d'estre practiqué, lequel neantmoins est tres-necessaire & profitable à la Republique, dont son vtilité me faiët croire, que l'opinion qu'auetz de la verité d'iceluy, n'est portée selon la conformité de vostre discours, qui n'a esté formé, que pour recognoistre l'assurance que ie doibs auoir à la soustenir. Invention que ie ne puis assez louer, aussi icelle me renforce le courage, affin que ie face paroistre la verité d'iceluy: Laquelle est cachée deffous l'ombre de la matiere des medicaments: Qui est ceste vertu essencielle qui ne se manifeste que par l'experience. Delà viët la difficulté de trouuer la vraie difference des diffinitions, D'autant qu'icelle vertu essentielle

estant fermées dedans le coffre de l'usage, lequel ne s'ouure que par la clef de la raison, estoiffées des premieres & secondes facultez. C'est pourquoy ie diray, que tout ainsi comme l'Art de medecine s'acquiert nō seulement par la doctrine: Mais aussi par l'experiēce, ainsi en est-il de mesme de l'Art de distiller vulgairement nōmé Alchemie, lequel s'apprend par la doctrine fondée sur les raisons des choses naturelles, l'essance desquels se fait veoir que par l'usage approuuée de l'experiance: Comme elle a esté par les plus excellens Medecins, Comme Auicene, Rasis, Arnault de Vilneufue, & mesme aussi par autres graues Philosophes, Comme Hermes nommé par hōneur le trois fois grand, Gebert, Remond Lule, & autres grands personnages, l'auctorité & suffisance desquels ne peuuent ny ne doibuent estre mises en doubte,

dont leurs escripts me seruēt de tesmoings irreprochable: Pour confirmer avec eux la verité de cest Art, & nostre necessité, nous forcer d'y cōtribuer de l'honneur. Occasiō pourquoy ie diray hardiment, que l'Alchemie est vn Art inspiré de Dieu, pour preparer les medicaments, par le moyen duquel, iceux sont plus parfaictement sublimez, digerez, nourris, & reduits en tel degré de vertu, qu'il ny a aucune comparaïson de preparation entre-elle, & l'Art de Pharmacie. Car encore que l'Art de Distiller, & celuy de Pharmacie ne soit qu'un, d'autant qu'iceux ont mesme methode de preparer les medicaments: Ce neantmoins celuy de Distiller, à cela d'auantage, de faire les extractions, tirer les huylles par resolution, de faire les sels, & les fleurs des medicamēts. Lesquels ont plus d'efficace, d'energie & de

force, que les Compositions faictes par la Pharmacie. C'est pourquoy Mesües, Comme Prince & chef d'icelle Pharmacie, pour raison qu'il a plus parfaictement enseigné à preparer les médicaments, que nul autre Medecin, n'ayant esté instruit en iceluy Art d'Alchemie, renuoye ceux qui desirent apprendre à faire extractions des huylles tirées des médicaments par résolutiõ, aux Professeurs d'icelle Alchemie. Comme il se remarque en sa deuxiesme section, Chapitre premier, par le moyen duquel la vertu éterrogenée est extraicte, de l'homogenée. Estant doncques vne omission de preparation, qu'iceluy Mesües n'a escript: Ce discours seruira de rémploy, pour en son lieu dire la preparation qu'il faut observer pour tirer des medicamēts leurs essences leurs eaues leurs sels, leurs fleurs, & principalement ren-

drel'Or Potable, qui est le plus grãd secret de l'Art, d'autant qu'il est caché dedans le Cabinet de la nature, Dont la difficulté pour le trouuer, (selon les preceptes de ceux qui en ont escript) est fort difficile. Attẽdu que l'intelligence de leurs escripts, est comprise dessoubs vn sens Mystique, Enigmatique, Figure, Métaphore, Alégorie, & par lettres Ietoglyphiques: pour tout expres empêcher aux ignorans, ou bien aux malicieux, d'abuser d'vn si digne Art. Laquelle methode a esté occasion qu'il est blasmé par ceux qui n'ont pas sçeu cognoistre la puissance de la nature: Laquelle ne nous à pas donné l'Or, doüé de tant de vertus & facultez, qui sont enfermez dedans sa substance impassible, qu'elle ne nous ait proueu de l'inuẽtion par icelle, dont l'artifice faict ouuir le ressort de cette substance indomi-

tante. Car estant pris en sa forme métallique, Il ne faut pas penser qu'il profite, soit qu'il soit liné, ou mis en feuilles, Ains il nuist plustost, & ce pour deux railons. La premiere est à cause qu'il s'attache aux Tuniques & Fibres de nostre estomach, ou intestins, qui les dorent: Ce faisant empesche ou retarde nostre chaleur naturelle à faire ces fonctions. L'autre est que sa substance impassible, faict que sa qualité demeure actuelle, qui cause que au lieu qu'il deuroit augmenter nostre chaleur naturelle par sa qualité qu'il a d'eschauffer, il l'a rafraischit. C'est la raison pourquoy l'or doibt estre préparé & rendu Potable, afin que sa substance impassible soit rendue passible, par le moyen dequoy sa qualité actuelle est reduite en potétielle. Voila pour le premier chef.

Pour le regard de ce que vous
auez

avez dit que la doctrine de Paracelle, est contraire à celle d'Hypocrate, Vous me pardonnerez s'il vous plaist, si i'ose dire que non en la nature, & principalement sur les poincts que vous avez allegués de luy, pour m'arrester seulement sur iceux, qui ne differēt que de noms. D'autant que l'inuention de la doctrine de chacun d'eux, a esté puisée dedans vne mesme source, qui est dedans le puits de la nature. Car tout ainsi comme le soulfre, est composé de matiere humide aérée dont la chaleur a domination, en substance tenuë, ainsi sont nos esprits. Comme le sel est composé de matiere terrestre & aqueuse, digérée par la chaleur, en substance moyenne: Ainsi sont nos humeurs: Comme aussi le mercure est composé de matiere aqueuse & terrestre, dont le froid a domination,

en substance crasse. Ainsi sont nos parties. Ces especes de mineraulx, estant métaphoriquemēt prises par Paracelie, selon leurs substances, ou qualitez, & non pas selon leurs corps. C'est pourquoy ie diray que la volonté d'iceluy, ne doibt estre prise selō la lettre, ains par la figure, de laquelle il a voulu démonstrer la composition de nostre corps. Imitant en cela les professeurs de cest Art: qui ont comme j'ay dit tous escripts cette science, soit ou par métaphore, ou par alegorie. Comme encores l'on doibt interpreter le souldphre, estre l'hōme ou la semēce, le mercure estre la femme ou la matrice, & le sel estre le germe procedant des deux, le tout entēdu métaphoriquement. Ces raisons iustificient que la denomination que Paracelse a pris de dire, que nostre corps est composé de souldphre, sel,

& mercure : suit la doctrine de celle d'Hypocrate: Puis que son intention aboutit conformement à iceluy.

Quand Paracelse a voulu dire, que nos maladies, sont guaris par leurs semblables, Il a entendu parler semblable d'essence comme Hippocrate les dict estre contraire de qualitez elementaires. Dont il faut presupposer, que l'un entendoit parler de la qualité formelle, & l'autre de la qualité materielle des médicaments. La vertu & facultez desquels nos maladies sont guaris. Pour entendre sa raison, il faut s'imaginer que nos corps sont alterez par les trois facultez des médicaments dont le premier est celuy là lequel nous eschauffent, rafraischit, humectent, ou desseichent. Le deuxiesme sont par ceux lesquels repercutent, discutent, rarefient,

ouurent, ferment. amolissent, en-
durcissent, & ainsi des autres. Les-
quels premieres & deuxiesme fa-
cultez procedent de la matiere,
prouenante des elements, autremēt
appellées qualitez manifestes. De
ces facultez là, Hypocrate à tres-
doctemēt cōclud, que les maladies
estoiēt guaris par leur contraires:
Mais il n'en va pas ainsi de la troi-
iesme faculté, laquelle demeure oc-
culte & essencielle à chacun medi-
cament, & ce par similitude de sub-
stance, laquelle a cette puissance de
conseruer nos parties, & chasser nos
maladies. Qui a occasionné Para-
celse, de dire que les maladies sont
guaries par leur semblable. C'est à
dire par cette sympathie & affinité
que les medicaments ont par cette
faculté essentielle de conseruer nos
parties, comme par antipathie ils
ont cette force de chasser les mau-

uaïses humeurs, qui nous offencent.

LE MAISTRE.

Vos raisons sont si veritables que ie ne veux les reculer, & passât oultre vo^o no^o représenter les reigles, par le moyen desquels, l'or est réduit potable, & ce par vn sens mystique, approprié selonc que les Philosophes ont suivi, afin qu'un si digne Art ne soit profané, comme il ieroit s'il estoit intelligible.

L'Aspirant.

Pour rendre l'or potable, est qu'il luy faut dépouïller sa forme métallique, qui se fait par le moyen d'une matiere semblable à luy ou consiste tout le secret. Car estant d'une substance impassible, fait que sa forme métallique ne peut estre con-

sommée par le feu, ny corrompu & pourry dedans la terre, ainsi cōme les autres medicaments. Aussi en la preparation, Il y faut obseruer vne autre methode, que es autres preparations d'iceux, selon l'Art de Pharmacie. D'autant qu'icelle n'a autre instrument naturel pour ces preparations, que le feu occasionné: & l'Art de distiller en a plusieurs: Car encores que le feu nō naturel ou occasionné, soit necessaire à parfaire les calcinations, Coctions, digestions, resolutions, & autres preparations. Neantmoins sans les autres feus iamaïs l'or ne seroit rendu potable, à cause d'icelle substance impassible, qui le rend de qualité active, laquelle resiste au feu, par vne raison prise de la Phisique, qui est que tout agent, n'agit que sur vne matiere patiente, le feu estant de qualité active, ainsi comme l'or pris

en la substance metalique fait qu'iceluy n'a point de pouuoir sur luy. C'est pourquoy nature admirable en la preuoyance, luy a ordonné vn feu particulier & propre pour agét, & vne terre homogenee pour matiere qui sert de patiëte, par le moyé desquels ceste substance metalique est rendue potable, par la separation de ses elements, ainsi nommée soulfhre, mercure, & sel, qui est la premiere matiere des metaulx & de laquelle le germe d'iceux est poussé dehors, par le moyen de la corruption, qui separe & diuise les Elements quand icelle corruption se fait avec profit, c'est à dire quād on ne prend vne matiere pour l'autre. D'autant qu'il y a vne autre corruption, laquelle se faict sans profit, pour estre produitte par chose dissemblable. C'est la raison pourquoy il est de besoing d'auoir ceste.

matiere propre & non estrange
prouenante du malle & de la fe-
melle de meſme conſanguinité, de
laquelle le germe eſt engendré en ſa
matrice, & nourry de ſon aliment,
ce faiët plus parfaët, non ſeulement
que ſon pere & ſa mere qui l'ont
produët: Mais auſſi eſt plus puiſſant
que l'or meſme. Le ſecret donc à le
rendre potable, eſt de ſçauoir co-
gnoiſtre cette matiere, laquelle
pour y paruenir, Il faut conſiderer
qu'en ſon principe elle a trois corps,
& trois ſubſtances, priſes d'une
meſme racine, deſquels corps il
faut faire trinité, vnité. Conſideré
que le pere engendre le fils, & du
pere & du fils procedde l'eſprit de
vie, par l'vnité d'iceux: Ainſi pour
ces cauſes ſuſdites nous ferons trois
fortes d'or.

Le premier ſera diët actuel, l'au-
tre potentiel, & le troiſieſme diuin.

Pour l'actuel, nous entendons estre le vulgaire.

Le potéciel est celuy de la semence, lequel n'estât or qu'é puissance, se fait or en effect, par l'etremite de la matrice, de la nature, & del'Art.

L'or diuin est celuy lequel demontre ces effects, par le moyen que ces accidens inseparable & leparable nous sont manifestés.

Les noms des trois corps, le premier est nommé des Philosophes soulfhre, d'autant qu'il est comme luy de qualité chaulde & seiche; dont il y en ya deux, le meur d'auec celuy qui ne l'est pas.

Le deuxiesme mercure aussi nommé à cause de la qualité troide & humide.

Le troisieme est le sel, lequel est le germe engendré des deux de leur pure substance, lequel estant nourry & fermenté, luy apporte di-

gestion, augmentation, & fortification en ces parties, iusques en fin de perfection.

Pour la premiere substance, icelle se dit minérale, parce que de là elle prend son origine, qui la faict subsister.

Elle se dict vegetable, pour la nourriture & aliment dont la substance croist & augmente, ainsi que toutes les autres choses engendrés de nature.

Elle se nomme aussi animal, par l'alteration & changement de sa premiere forme en vne autre, laquelle estant fermentée, & viuifiée par l'esprit de vie, la substance est animée. Dont la nature est la cause comme l'Art en est l'instrument, qui prepare icelle matiere, par la distillation, calcination, dissolution, conjunction Cibation, congelation, putréfaction, & fermentation.

La distillation se fait pour diuiser les elements, par le moyen dequoy les natures sont separées, d'autant qu'il faut tirer l'eau de la terre, pour en faire l'air, duquel sera extraict le feu, autrement nommé teincture. C'est pourquoy il est besoing d'auoir les quatre elements separez, pour s'en seruir à la necessité. Dôcques la distillation se faiët par trois façons, sçauoir par le Bin-marie, par les cendres, & par le sable.

La Calcination a deux fins. La premiere pour consommer l'humidité visqueuse, laquelle cache la radicale de nostre soulfhre, quand il est pris deuant qu'il ait esté cōioinct avec nostre mercure: & lors qu'il y est, pour la deuxiesme, il est calciné, affin de resouldre & separer, tant le phlegme que l'excrement prouenant de leur conionction, alors il faut augmēter l'humidité radicale,

qui doibt congeller la matiere.

Laquelle se faißt pour estre icelle matiere abreuee de son eau, qui l'endurcit, non que ceste dureté, doibue estre comme la pierre: mais bien cōme la cire, afin qu'elle puisse comme elle fondre quand elle est mise sur le feu.

Ceration se faißt pour nourrir ceste matiere nommée le germe; Pronenant des deux semences, par le moyen dequoy il est augmenté, tant en quantité que qualité, Par la subtilité que l'on doibt auoir en luy donnāt à manger, les choses creuës en son indigestion, comme les choses plus elabourée en sa digestion.

La pourriture se faißt pour faire sortir le germe de sa matrice, par le moyen que nature faißt par icelle separation des elements, en separant le pur de l'impur. C'est la raisō pourquoy le soulfhre seul, & le mer-

cure seul, ne peuuent estre la semēce de l'or: mais bien le germe, qui procedde des deux.

Fermentation est l'ame de nostre composition, par le moyen de laquelle, elle est assaisonnée en parfaite teincture, estant le leuain, qui luy donne substance, saueur, couleur, & odeur.

Voila les reigles del'Art, la nature cause le mouuement de la matiere, par le moyen des feux, qui sont tant dehors que dedans icelle: Dont il y en y a trois au dedans, & vn au dehors.

Ceux du dedans, le premier est le naturel, l'autre le lementaire, & le troisieme est celuy contre nature. Le naturel est essentiel, ou actuel, le lementaire est celuy qui est en puissance, Celuy cōtre nature est l'eau, laquelle pourrist la semence.

Celuy qui est dehors est le non

naturel ou occasionné : lequel en fournit plusieurs, selon qu'il faut disposer la matiere, pour la faire paruenir à sa forme. Ceux-là sont le feu du Bain-marie, celuy de lampe, celuy de cendre, de sable, & de charbon : Lesquels feux, se doibuent approprier, selon l'ordre des degrés de la digestion de la matiere, qui se recognoissēt par les accidēts inseparable d'icelle, Comme par sa substance, saueur, odeur, & couleur.

La substance de la matiere se considère en chacune leur semence separée, dont l'une se diēt la terre, l'autre est appellée l'eau, la substance d'icelle terre est crasse, Cōme l'eau est tenuë, quand iceux sont conioincts ensemble, il s'en tire vne moyenne qui n'est si crasse cōme la terre, ny si tenuë quē son eau.

Laquelle est de saueur acre, douce, & acerbe, approchant au goust de

l'alun. Son acrimonie prouient de son fouldphre trop aduſte, comme ſon acerbité, deriue de ſon mercure trop froid: Leſquels par le moyen des reiterations, de coctions, faiſt que les parties aduſtēt ſe reſeluent, & les froides en ſe digerant ſe meuriffent. Qui caule que ceſte premiere douceur prouenante de ſon eſſence eſt augmētée: Par le moyen de quoy ceſt' elixir ſurpaſſe en douceur toutes les chotes qui ſe peuvent imaginer.

Pour l'odeur, ceſte matiere en reçoit deux, ſçauoir mauuaife & bonne. La premiere eſt lors qu'elle paruiet en ſa pourriture, en ce temps là ſon odeur eſt ſemblable à la charongne: Mais apres qu'elle à paſſé la pourriture, & que ſes decoctions ſont parfaites, alors il n'y a odeur ſi ſuaue, aromaticque, & douce, qui puiſſe eſtre egalée ou

parangonnée à elle.

Pour la couleur, elle en reçoit vne infinité, neantmoins il s'en remarque quatre principales. Sçauoir la verte, la noire, la blanche & la rouge. La verte fait demonstration de son indigestion, la noire sa pourriture, la blanche sa digestion, la rouge sa parfaite digestion.

Voila les loix de la nature, lesquels mises avec celles de l'Art, donne les reigles non seulement pour l'or & l'argent: Mais aussi pour tous autres medicamêts qui se preparent par l'Art de distiller. Ou ie finiray pour dire de ceux de la Pharmacie: En laquelle il y a quatre preparations generales. Sçauoir trituration, coction, infusion, & lotion.

Triturer ou battre, est reduire ou diuiser les medicamêts en plusieurs & menuës parties. Laquelle trituration se fait pour trois raisons. La

pre-

premiere pour mesler & vnir ensemble les medicaments. La deuxiesme, affin qu'iceux soient subtilement reduicts en pouldre, pour passer es parties les plus eslongnees. La troisieme, pour empescher que leur substance rare & spongieuse, n'enflame les fibres de nostre estomach. Il y a trois sortes de trituration, sçauoir forte, moyenne, & foible. Ceux lesquels endurent forte trituration, sont composez d'un corps dont les parties sont solides & dures de substance crasse. Ceux lesquels n'endurent que moyennes, sont moyens soit en leur substance qu'en leurs qualitez. Ceux lesquels ne souffrent que peu de trituration, sont destituez de matiere aqueuse, & sont de substance tenuë.

Cocction se fait par chaleur forte, moyenne & foible. Il y en y a de deux sortes, sçauoir par elixation,

& affaïlion. L'une le faict par voye d'humidité, l'autre en matiere ſeiche. L'elixaxion ſe faict pour trois raiſons. La premiere pour imprimer à icelle la qualité des medicaments. La deuxietme pour amolir, digerer, & cuir, la crudité d'iceux. La troiſieſme afin de conſommer la ſuperfluité de leurs excremens. Premier que de faire cuir les medicaments, il faut conſiderer la diuerſité d'iceux, tant en leurs corps, ſubſtâces, que qualitez. D'autant qu'il ſe trouuent des medicaments qui en leur ſubſtance corporelle, ſeront craſſes, que la ſubſtâce priſe de leurs qualitez ſera tenuë. D'autres qui ont en leur corps ſubſtance ſubtile, legere, & rare, que la ſubſtance de leurs qualitez, ſera difficile à ſe digerer, & cuir. Plus on doit conſiderer, qu'iceux medicaments il en y a qui cōtiennent pluſieurs qua-

litez , Dont l'une sera au centre,
 l'autre à la circonférence , ou bien
 contenue par tout leur corps: selon
 qu'il ait iugé par la saueur d'iceux.
 Doncques on se doibt dōner garde
 en ce que la qualité que l'on voudra
 imprimer en la décoction , de ne
 prendre l'une pour l'autre. C'est
 pourquoy ces differences doibuent
 diuersifier les decoctions , selon
 la longueur du temps qu'iceux sont
 faciles ou difficiles à cuir, premier
 que de la faire, faut chauffer la li-
 queur , deuant que de mettre les
 ingredians. D'autant que la chal-
 leur ouure les ports, tant de la chose
 qui reçoit, que de celle qui donne.
 En faisant la decoction, il se faut dō-
 ner de garde de mettre les Ingredi-
 ans ensemble : mais bien chacun à
 part, selon l'ordre & temps de leur
 coction. Parce que les medicamēts
 qui sont de substance solide , & de

qualitez froides & humides , ou bien froide & seiche, veulent estre dauantage bouillie , que ceux qui sont chauds & humides , ou bien chauds & secs. Pour cette raison les medicaments amolians, lenians, lubrifians, incraissans, repercutans, & qui bouchent. Endurent plus de coction à cause de leur qualitez froides & humides, ou froids & secs, Que ceux qui sont chauds & humides , ou chauds & secs . Comme sont ceux qui ouurent, qui rarefient & qui detergent. Tous lesquels medicaments, ont encores vne autre prrticuliere reigle selon que les parties de leurs corps serôt de substâce crasse, moyenne, ou tenuë. Et pour y obseruer l'ordre, il faut commencer par les racines, dont les fruiçts suivent, apres les herbes , puis les semences, & finalement les fleurs. Si en la decoction , il y entre de

l'orge, Il faudra la mettre premier
 que les racines, soit qu'elle soit mō-
 dée ou sans monder. Celle qui est
 mondée, doibt dauantage bouillir
 que l'autre, à cause de la diuersité
 de leurs qualitez, estant l'vne leni-
 tiue, & l'autre deterſiue. Apres les
 racines, ſuiuent les fruiets, dōt ceux
 qui lenient, comme les pruneaux,
 ou qui ramoliffent, comme les fi-
 gues: Endurēt plus decoction, que
 ceux que ceux lesquels ſont nom-
 mez pectoraux, Comme les pre-
 mieres, Cebeſtes, Raiſins, & autres.
 Les Racines, herbes, & fleurs, qui
 amoliffent, ou qui lenient: ſouffrēt
 dauantage de decoction en leur or-
 dres: Que ceux lesquels detergent,
 rareſient, ouurent. Ceux lesquels
 n'endurent, peu ou point de deco-
 ction: mais bien vne longue infuſiō.
 Sont ceux lesquels ont leur ſuper-
 ficie, ou bien ils ſont de ſubſtance

tenuës en leur qualitez, soient qu'ils soient racines, escorces, herbes, ou fleurs. Comme sont aussi ceux lesquels discutent, fondent, dissoluent, attirent & purgent. Deuant que faire la decoction, il faut monder & nettoyer les Racines de leur cœur, les fruiçts, de leurs noyaux, ou pepins, & les herbes, de leurs tiges, qu'il faut rejeter, à cause de leur dureté. D'autant qu'icelle decoction est faicte par œuvre de nature, par le moyen du feu son instrumēt: dedans laquelle si l'on mettoit ensemble les choses dures & difficiles à cuire, avec les choses tendres & faciles à cuir. L'Appoticaire demeureroit frustré de son intention: Considéré qu'icelle nature s'efforce en bouillant à vaincre les choses dures & qui luy résistent, comme sont à comparaison, les cœurs des racines, les noyaux ou pepins des

fruits, & les tiges dures des herbes, d'auecques eux-mesmes, pour les cuir, en ce faisant iceux ne receuroient aucune coction, qui faict que leur qualité n'y est imprimée: si ce n'est par vne grande espace de temps. Voila pour l'elixaxion.

Pour le regard de l'assaxion, elle se faict pour trois raisons. La premiere pour reprimer la vertu violente des médicaments. La deuxiesme pour augmēter leur qualitez foible. La troisieme de deux vertuz qu'ils ont, en prendre l'vne & laisser l'autre. Il en est de deux sortes: Ainsi comme en decoction, l'vne humide & l'autre seiche. Dont les reigles sont pareilles comme en icelle decoction.

L'ossion est lauer, absterger, & mondifier les medicamēts, laquelle se faict presque comme l'infusion. La difference est qu'en l'infusion les

medicaments infusez, leur vertu demeure en la liqueur. En la loffion les medicaments lauez, reçoivent la vertu de la liqueur qui laue. Icelle loffion se faict pour quatre causes : La premiere est pour nettoyer les superfluitez estrangeres, qui adderēt en la superficie d'iceux. Comme es Racines. Les trois autres sont faictes pour pareille raisōs qu'en la decoction ou infusion. Voila en termes generaux, ce qui se peut dire de la preparation.

LE MAISTRE.

La Trompette de vostre loüange fera ma bouche, qui haultement resōnera vos merites, pour la peine qu'avez prise par vos veilles, en ce que par vostre labour vous nous avez representé les Secrets tant de l'Art de Distiller, que de celuy de

Pharmacie. Lesquels estoient cachées & enfermées dedans les incognus replis, & pallissade du labyrinthe de la nature, que vous avez descouverts par les reigles icy representez, dont la splendeur & lucidité d'iceux. Comme vn clair soleil chasse les tenebres de l'obscurité, qui fermoit nos yeux de l'entendement, par le crepuscule noircy de l'ignorance, qui estoit audeuant. Et toutesfois vous n'avez assez fait, parce qu'il faut encore nous faire voir la cognoissance de chacun médicament à part.

L'Aspirant.

La cognoissance de la bonté ou malice d'iceux, se remarque, tant pour nostre respec, que pour leur regard. Pour le premier, nous disons les médicaments estre benins,

Quand leur temperature approche de nostre complection. Comme les violans, estre ceux lesquels en sont plus reculées. Ceux pour leur regard se font voir par leur eucrassie ou discrassie, C'est à dire par leurs bonnes ou mauuaises complectiōs. Comme nous dirons particulièrement que la

Scammonée.

Est vn suc prouenant d'vne racine, ou herbe espee de Volubilis: dont les feüilles ressemblent à vne sagette empanée, Que l'armenie produict, & aussi l'Arabie. Laquelle se tire en quatre façons. La premiere en incizant la racine estant en terre, Il en sort vn suc, en forme de laiēt, lequel apres qu'il est desséchē, il se congelle. La deuxiesme lors que la racine a esté ostée de terre, & incizée partout, l'on en tire le suc. La troisieme apres que la racine a esté

battuë, l'on l'exprime. Le quatriesme se faiët de l'herbe, laquelle apres auoir esté battuë, son suc en est tiré. De ces quatre sortes, les deux premieres sont à preferer, Comme les meilleures : les deux autres se doibuent rejeter, comme les pires. L'election des deux premieres paroissent en leur substance legere, tenuë, & friable, claire, & lucide, de couleur grisastre, de saueur acre, & d'odeur bonne & propre. Laquelle estant mouïllés avec salies, ou en eaue, se faiët comme laiët. Les deux autres sont de substance pesante, crasse, dure, & tenebreuse, de couleur noire, tirant sur le vert, de saueur amere, & d'odeur puante. Le iugement de la bonté des deux premieres, se font cognoistre en ce que leur substance tenuë, legere, friable, lucide & transparante, demontre que la matiere d'iceux est

digerée, expurgée de ces excréments par la chaleur qui a consummé la viscosité, & atténué la terrestrité: Ainsi comme la couleur, la saveur & odeur nous fait cognoître pareille accidens. En ce qu'ils se font lait mouillée, fait cognoître la subtilité de la substance, facile à se réduire à vn autre corps. Les deux autres sont diamétralement contraire, parce que la pesanteur, dureté, amertume, & noirceur: Proviennent d'une matiere indigeste, excrementeuse & bruslée. Les deux premières sont de complexion chaude & seiche au troisieme degré, dont leur effects est qu'ils sont mordicatifs, inflammatifs, ouvrent les orifices des veines, attirent les feroritez, affoiblissent, font vomir, & purge la bile, tant crasse que tenue. Pour les corriger de leur violences, est qu'il est besoïn de leur apposer

medicaments, contraires de qualitez elementaires. Premièrement en ce qu'ils sont de vertu mordicative, causée par leur substance tenue, laquelle picque, & poinct les thunicques, fibres, & orifices de l'estomach, qui faict subuersion & vomissement. Ceste qualité leur sera ostée par medicaments incrassans, & lenians, d'autant qu'il adoucissent les partes, par leur humidité qui lenient, comme aussi ils épaississent les humeurs par les incrassans, pour ce faire il est besoing de prendre vn coing, expurgé de la semence, au lieu de laquelle il sera mis de la scamonée, apres qu'il aura esté frotté d'huile d'amende douce, ou huile violat, pour la faire cuir dedans iceluy, lors qu'il sera enfermé dedans de la paste, en ce qu'icelle enflame, & attire par trop en ouurant les orifices des veines, seront pris refrige-

rens, corroborans, & lenians. Lesquels en humectant, temperent l'ardeur, adoucissent l'impetuosité de la chaleur & seicheresse, ferment les orifices des veines comme font les Muscilages de la semence de Bescilion, Mastic, coings & adragant. En ce qu'elles affoiblit les parties nobles, sera amendé par ceux qui reconforte leur vertu. Comme le Spica-nardy, bois d'Alois, Sendal-citrin, & autres.

Agaric.

Sa generation vient dessus des troncs d'arbres corrompus & pourries par vieillesse, à la forme des Champignons. Il en y a de deux especes, sçavoir masle & femelle, l'usage du masle est veneneux, la femelle est alloüer, estant en sa substance legere, porreuse, friable, fragile & où il ne paroist aucun fibre de couleur tres-blanche, de saueur,

qui au commencement paroist douce, puis amere, & à la fin Styptique. Le masse, la substance est graue, difficile à triturer, & en le rompant paroissent vne infinité de fibres, de couleur noire, de saueur amer, d'odeur graue. Les marques de la femelle est que sa substance porreuse, legere & friable. Demonstre que les parties aqueuses de la matiere, est consommée par la chaleur, Ces saueurs font recognoistre la diuersité de ces qualitez. La douce demonstre la digestion de la matiere en sa superficie, comme les ayant la chaleur meury, l'amere que icelle chaleur a elabouré les parties terrestre, la Styptique signifie que le froid domine celle du centre. Sa couleur blanche que la chaleur a consommé la quausité visqueuse & excrementeuse, son odeur, la digestion. Et en ce que ces Fibres ne

paroissent, faiēt voir que son humidité radicalle est bien entretenue, & non consommée. Les marques du masle est que sa substance pesante, graue, & difficile à triturer, demonstre la cracissie de la quausité & terrestrité excrementeuſe de la matiere. Sa couleur noire que la chaleur est imprimée en l'humidité vitieuse. Sa saueur amère que sa qualité est chaude & seiche en substance crasse. L'odeur, l'indigestiō, Ces Fibres, la consommation de l'humidité radicalle. La complexion de la femelle est chaude au premier degré, & seiche au deuxiesme, luy faiēt qu'elle subtilize, incize, est carminatiue de ventositez, est aperi-tiue, purge la pituite crasse. Pour la corection, en ce qu'elle apporte lezion és vicerés, à cause qu'elles les affoiblit, comme aussi que son operation est tardifue. Il y sera pour-
ueu

ueu par le gingembre, vin blanc, & sel gemme. Lesquels ont ce pou-
 uoir de deterger, fortifier, & acce-
 lerer la tardité de son operation.

Le Thurbit.

Est la racine d'une plante, pro-
 duisant lait, semblable és feuilles
 de ferulle, estans toutesfois plus
 petites. Il y en yade deux especes.
 Celuy des iardins, & le sauage.
 Celuy des iardins est à preferer, lors
 qu'il vient és lieux secs, & non hu-
 mides & marecageux, auquel lieu
 croist le sauage; Les marques du
 meilleur, est qu'il doibt auoir sa sub-
 stance legere, vuide, ronde, sans fi-
 bres, facile à rompre, vnice, & lissée
 de couleur blanche au dedans, &
 cendrées en son escorce. De saueur
 acre, d'odeur propre. Le sauage
 est de substance pesante, graue, ru-
 de sur son escorce, au dedans du-
 quel paroissent force fibres, de sa-

ueur amère, de couleur noire, ou iaulne, d'odeur forte. Celuy des iardins estant de substance legere, facile à rompre, demonstre que la matiere est consommée des parties aqueues excrementeuses, & que la terrestrité a esté attenué par la chaleur. En ce que ces fibres n'apparoissent, faiét veoir que l'humidité radicalle a esté entretenuë & nourrie. La blancheur, la consommation des parties vitqueuses, la saueur acree qui est de qualité chaulde & seiche, en substance tenuë. L'odeur la digestion. Le sauuage est le pire, demonstre par sa pesanteur que la matiere est engendrée des parties aqueuses terrestre & excrementeuses, la couleur que la chaleur est imprimée és parties aqueuses, vicieuses, & indigestes. Sa saueur, que la substance crasse est bruslée par la chaleur, la mauuaite odeur, son in-

digestion. La completion de celui des iardins est chaulde au troisieme degre, & sec de mesme. Il est attenuatif, consomptif, subuertit, & purge le ventre. Deuant que le mettre en œuure, il faut racler son escorce de dessus, & qu'il soit vuide au dedans. Il est corrigé pour trois causes. La premiere est en ce qu'il est de tardine operation, & ne purge que le plus subtil de la pituite: S'il n'est aidé par d'autres medicaments qui detergent, & incizent la crassie d'icelle, en laquelle correction, le gingembre est à preferer. La deuxieme est en ce qu'il picque, & poincte, les thunicques & fibres, & qu'il faiet subuersion: Il est empesché par les medicaments qui recomfortent, fortifient, & corroborent. Comme le mastic, les trochisques de Galia-Molcata, Aromaticum Rosatum. La troisieme est

que sa seicheresse , consomme nostre humidité radicalle , l'on appelle des amendes doulces , ou son huile , ou bien autres medicaments, qui en leniant, empeschent qu'elle ne soit conlommée.

La Rhubarbe.

Est vne racine prouenât de barbarie, des Indes, & de Turquie, son election se remarque en ce que elle est de substance graue avec rarité, de couleur souz noire declinant à rougeur, laquelle en la rompant, se trouue diuillée de rouge & iaune, qui estant mouillée teinct en couleur de Saffran, de saueur amère, & hostere, d'odeur bonne & suau: Sa pelanteur accompagnée de rarité, faiât veoir que sa matiere est composée de partie terrestre, ou la chaleur à domination : Son amertume & stipticité que les parties superficielles, ont esté eslabourées par la

chaleur: & que les parties centrales
sont froides. Qui demonstrent sa
qualité chaude & seiche, à la circō-
ference, & froide, & seiche au cen-
tre. La diuersité de couleurs, est que
l'ongetaict voir la digestion, Cō-
mme le traitne la superdigestiō en ma-
tiere crasse: Comme il paroist aussi
en son odeur. Elle est de comple-
xon chaude & seiche, au deuxiesme
degré: Elle ouure, deterge, & pur-
ge la bile, tant en attirant que com-
primant. En ce qu'il approche au
plus pres de nostre temperature:
C'est pourquoy il est dict estre me-
dicament benin: Aussi n'a-il besoin
de correctifs. Sice n'est qu'il est de
tardieue operation, & partant la ca-
nelle, le Sendal citrim, l'Espica-
nardy, luy sont propres.

Aloës.

Est le suc d'une plante, qui vient
des Perces, d'Armenie, & d'Arabie,

Le meilleur est le succotrin : dont les marques de sa bonté paroissent quand il est de substance legere, friable, de couleur iaulne, declinante à rougeur, Lucide diaphane & trās-parant : De saueur douce en son commencement, qui change incontinent en amertume, d'odeur suauue. Sa legereté & friabilité, demontre que la substance est expurgée de quauzité visqueuse & excrementeuse : Sa couleur iaulne declinante à rougeur, faict voir la superdigestion de la matiere en ces parties terrestres & crasses, & aussi la digestion des moyennes. Sa lucidité transparente, la mondification & expurgation de ces excrements. La douceur & amertume, la qualité chaulde & seiche. Il est de com-plection chaude au deuxiesme degré, & seiche au troisieme : Qui faict qu'il desseiche sans mordication. Il

consomme les superfluitez, cōserue de putréfaction, ouure les orifices des veines, deterge & purge la bile. Il y a trois choses a quoy il peut estre corrigé. Le premier est en ce qu'il est de tardieue operation, causee par ces parties terrestres, Comme aussi le foye n'attire à luy les choses ameres: que pource qu'il ouure les orifices des veines. Ces correctifs seront les medicaments attenuans, rarefians, & incrassans.

Mirabolans.

Sont fruiçts engendrez en plusieurs arbres d'Arabie. Il y en ya de cinq especes, sçauoir Cytrins, noirs Indiens, Chebulles & belleriques. Les marques de la bonté des Cytrins, est qu'ils doiuent estre de substance graue, pesante, espoisse, & pleins, ayant vne certaine gommofité quād on le rompt, leurs noyaux petits de couleur iaulne, declinante

à verdure. Les noirs, & les Indiens sont peſans difficiles à rōpre, graue, & craſſe, N'ayant point de noyaux de couleur noire. Les chebulles & Belleriques ſont craſſes, peſants, noirs, declinant à rougeur. Tous de ſauceur ſtiptique. Leur ſubſtance nous demonſtre que leur matiere eſt compoſée de parties aqueuſes, & terreſtres, digerees ſelon leurs couleurs, Cōme celle des Cytrins qui ſont iaulne, declināt à verdure, que la chaleur eſt imprimée és parties humides, & le froid és parties ſeiches, & ceux qui declinent à rougeur, que leur digeſtion eſt pluſtēperée; Leur ſauceur ſtiptique faiēt voir leur qualitez froide & ſeiche. Ils ſont de complexion froide au premier degre, & ſeiche au ſecond. Il purge en conſommāt la ſuperfluité de l'humeur pituiteuſe & pourrie. Il adderēt és inteſtins qu'il ſe ridēt:

oppilent le foye, les medicaments qui rareñent & lenient; C'est à dire ceux qui en atténuant, humectent, sont propres pour les corriger.

La Casse.

Est vn fruit apporté des Arabes, son eslection est qu'il doibt auoir son escorce desliée, & de couleur purpurée : Laquelle en ces dimensions doibt estre ample, longue, & pleine de substance pesante. Sa moëlle doibt estre de substance gluante, succulâte de saueur douce, de couleur noire, & reluisante, & d'odeur bonne. Sa substance demonstre que la matiere de sa moëlle est composée des parties aërées & aqueuses, sa couleur, que la chaleur est imprimée en son humidité qui la noircit : Sa saueur douce laquelle n'est agreable, d'autant qu'elle affadit, causée de sa trop grande humidité, laquelle lasche les ligamens

& fibres de l'estomach, elle est de complectiō chaude au premier degré, & humide au deuxiesme. Elle lenie, rarefie, laue le sang en temperant la chaleur & terrestrité de la bile. Elle nuist en ce qu'elle lasche les fibres de vicerés qu'elle debilité. Elle sera corrigée par medicamens, qui fortifient & corroborent, comme le Mastic, Rhubarbe, Mirabolans, Spica, & autres.

Thamarints.

Est vn fruit du Palmier sauage prouenant des Indes, dont les marques de sa bōté, est qu'il doibt estre de substāce pesante & gluante, mēlée avec plusieurs fibres; de couleur non du tout noire, luisante, de saveur douce, aigre, & vineuse.

Sa couleur noire prouēt du froid qui noircit les parties terrestres. Neantmoins la chaleur y contribut, moyennement son pouuoir es par-

ries humides, qui faiēt qu'elle n'est parfaictement noire. Sa lueur prouient des parties aërées, Comme fait la glutinosité des parties aqueues, & terrestres. Sa saueur telmoigne sa qualité temperée, dont le froid à dominatiō par dessus la chaleur. Sa complexion est froide & seiche, purge la bile, esteinēt l'inflammation causée par icelle. Il est de tardiue operation, & offence l'estomach. Les medicaments qui le reconfortent & qui sont apëritifs la corrigent.

Colloquinte.

Est vn fruit dont il en y a de deux especes, le masle & la femelle, le masle est veneneux, la femelle est allouër, qui en sa substance est très legere, ample, pollie, laxe, poreuse, bien meurre, de couleur tres-blanche, & de saueur ainere. Sur la circonférance du masle naist vne

mouffe, avec ce, il est de substance pesante, graue, avec vne dureté & alpreté, & de couleur noire. La substance de la femelle nous fait voir que les parties visqueuses de la quaufité & terrestrité ont consommées par la chaleur. Sa saveur amère, que sa qualité est chaude & seiche, la blancheur, la consommation des parties crasses excrementeuse.

Le masle demonstre que les parties aqueuses terrestres & excrementeuses, n'ont esté consommées par la chaleur: laquelle les a noircy. La femelle est de complexion chaude & seiche au troisieme degré. Elle est resolutiue, incisive, deterfiue, purge le phlegme, & les humeurs visqueuses des parties eslongnees. Il nuit à l'estomach, au cœur & au foye, ouure les orifices des veines, purge avec violence. Les medecaments qui fortifient & reconfor-

tent l'estomach, le cœur, & le foye, comme font ceux lesquels ont vne visquassité gluante, qui en leniant empeschent la consumption des esprits, sont propres à les corriger. Voila pour la congnoissance particuliere des medicaments : ou ie finiray pour parler.

De l'Or.

Lequel est vn metal digeré par-dessus les six autres. Son eslection ne se manifeste par la doctrine, cōme les autres medicaments à cause de sa substance impassible, laquelle empesche à cognoistre ces accidens inseparables: Mais bien nous le iugerons par la demonstration de sa substance impassible, laquelle nous faict considerer que ses Elements dequoy la matiere est cōposée, sont si fort liez coathenez & vnis ensemble, qui ne peut estre que par la puissance esgale d'iceux, qui faict que

l'un ne peut surmonter l'autre. Cela est la raison pourquoy le feu ne le peut consommer. L'air le corrompre, l'eau l'entroûiller, & la terre le pourrir. Ce qui ne peut estre que par sa parfaicte Coction ou digestion: Sa pesanteur fait voir qu'elle est expurgee de tous excremens. Son extention dont il n'y a rien au monde qui s'estende & dilatte d'avantage, nous indique sa forte liaison, & vnion en ces parties. Sa couleur iaulne que la chaleur domine sur la matiere aqueuse & terrestre, sa lucidité & pollissure que les parties aërées & aqueuses sont bien digerées. Ce qui est dict de l'or, l'on n'en doibt de mesme entendre de l'argent, estimâts tous deux parfaits en digestion: sinon que en la completion de l'or, la chaleur domine comme la completion de l'argent, le froid a principale domination.

LE MAISTRE.

Puis que vous estes tombé sur la cognoissance de l'or, Je desire que vous faciez comparaison des metaux, & des planettes. Avec les parties de nostre corps, afin de faire voir d'avantage la science speculative.

L'Aspirant.

L'homme est le tableau racourcy de ce grand monde, C'est pourquoy il est nommé le petit monde : D'autant qu'il a comme luy ces influences ces elements & ses mines.

Ces esprits sont ces influences, ces humeurs, ces elements, Comme les parties, ces mines.

Or est-il que les elements sont contenuës entre le centre & la circonférence des globes de ce grand monde.

Les humeurs de l'homme sont moyennes, entre la subtilité des esprits & la crassité de ces parties.

La Sphere du Ciel est composée de plusieurs globes, entre lesquels il en y a sept qui sont dominees par sept Planettes: Les noms desquels est Saturne, Iupiter, Mars, Phœbus, qui est le Soleil, Venus, Mercure, & la Lune.

Nostre corps à plusieurs parties, dont il en y a sept, qui dominent les autres. Sçavoir la Rate, le poulmon, le fiel, le cœur, les rongnons, le foye & le cerueau.

La terre enclos en elle ces metaux: Sçavoir le plomb, l'estain, le fer, l'or, le cuiure, le vis-argent, & l'argent.

En la Sphere du monde, il ya deux planettes parfaitement nobles, Sçavoir le Soleil & la Lune.

L'homme à deux parties parfaitement

tement nobles, qui est le cœur & le cerueau.

Les mineraux ont deux metaux parfaictement nobles, sçauoir l'Or & l'Argent.

La noblesse du Soleil & de la Lune se faiët voir en ce que le Soleil donne clarté au iour, Comme la Lune reuerbere la sienne lors qu'il faiët nuit: leurs facultez & puillâce paroissent non seulement en ce que par iceux toutes les choses d'icy bas ont vie: Mais aussi en ce que par le mouuement des deux, les années sôt terminez, & par celuy de l'autre chacun mois se finit au cours de chascune Lune.

Les sept Planettes ensemble font les iours de la sepmaine.

La noblesse de l'Or & de l'Argët se demonstre par leur parfaicte digestion: laquelle faiët que leur substance est impassible, qui resistent à

toute violence de feu.

La noblesse du cœur & du cer-
veau se verifie non seulement par
l'excellence de leurs parties: Mais
aussi à l'effect de leur puissance, par
le moyen desquels les esprits vitaux
& animaux, sont engendrez de la
matiere du sang. prouenant du foye
par la communication & entremise
de l'esprit naturel: laquelle matiere
sanguine est attirée par la chaleur
du cœur, & distribuée par tout le
corps: Le cœur doncques à deux
puissances & facultez, l'çauoir irras-
sible & concupissible, dont l'vne a
ce pouuoir d'embrasser & retenir ce
qui nous est propre, & qui nous cō-
stante. Cōme l'irrasible de rejeter
ce qui nous nuist & nous desplaist.
Le cœur par sa chaleur influë au cer-
veau l'esprit vital, qui sert de cause
pour engendrer en iceluy les esprits
animaux, qui sont les intelligibles

& censibles: dont il y en a trois dedans les ventricules du cerueau, pour les intelligibles. Sçauoir l'entendement, l'imagination, & la memoire. Et cinq autres qui sont les sensibiles dehors iceluy, lesquels ont leur partie à part. Sçauoir la main pour le toucher & tout le corps, la langue pour goustier, le nez pour odorier, les yeux pour veoir, & les oreilles pour ouïr: Le cœur doncques engendre les esprits vitaux qui les enuoyent à toutes les parties de nostre corps, par le moyē des arteres: Comme les esprits animaux sont poussés dedās les nerfs pour estre distribuez aussi par tout nostre corps: afin que chacune partie ait mouuement & sentiment. Comme les esprits naturels donne nourriture par le moyen de la matiere engendrée au foye, laquelle prouient du chille, à luy distribué,

par le moyen des veines mesanthériques, qui l'attirent de l'estomach, laquelle matiere se faißt sang en iceluy foye, receuë par la veine porte, laquelle apres la digestion est enuoyé au grots tronc qui est la caue, qui comme vne mer reflue le sang, par toutes les autres veines, tant descendante, que accidentelle, lequel sang est la matiere qui nourrist tout le corps : & duquel nos autres humeurs sont engendrees selon la faculté de nos parties qui les attirent d'iceluy. Lesquels humeurs se peuvent accompagner aux elements, à cause qui simbolisent ensemble de qualitez. Car cōme le feu est chaud & sec, la bile est chaude & seiche : l'air est humide & chaut, le sang en est de mesme, l'eau est froide & humide, Ainsi en est-il de la pituite, la terre est seiche & froide, la melancholie en est de mesme. Dont leur

temperature ou bonne complexiō. est quād chacune d'elles se tiennēt és bornes de leurs qualitez comme l'intemperie ou mauuaile complection se fait quand elles en sortent. Dont la cognoissance de leur bōté, ce manifeste par leurs accidents inseparables. Comme il est demonstté au sang: lequel est en sa bonne complection & temperature: Est quand sa substance est moyenne, de couleur rouge, de saueur douce.

La bile est de substance crasse, de couleur iaune, de saueur amére. La pituite est de substance crasse, de couleur blanche, de saueur incipide. La Melancholie de substance crasse de saueur, ostere, de couleur noire.

Il y est à noter pour la substance que tout ainsi comme nostre corps est composé de trois sortes de substances. Sçauoir tenuë, crasse & dis-

similieres, les esprits pour la tenuë, les humeurs pour la dissimilieres, & les parties pour les crasses. Ainsi en est-il de nos humeurs, qui comme metoyens entre les esprits, & les parties tiennent lieu au milieu des deux, dont les subtiles produisent tant les esprits que les serozitez, cōme les crasses les parties. Quād nos humeurs sont subtilies, cela ce faiēt par le moyē de la chaleur, qui en les fondāt les fait estre de saueur douce ou acré: comme le froid en les attenuant, les faiēt estre de saueur aigre.

Les marques des humeurs de mauuaise completion, ce cognoissent lors que le sang en ce corrompant ce change és autres humeurs, selō l'excez qui dominēt sur la qualité. La bile en ce changeant corrompt sa substance crasse, en tenuë, sa couleur iaune en verte, quād elle se pourrit, & noire quand elle se

brusle. La pituite se change en deux manieres, Sçauoir par la chaleur, & par le froid, quand l'vne ou l'autre domine plus qui n'est requis. La chaleur la rend de saueur douce ou salée, de couleur verte ou iaune. Le froid la tend de couleur vitrée, de saueur aigre ou ostere, & s'il domine en plus haut degré, il la réd de substance, couleur & saueur semblable a du plastre. La melancholie est corrompue tant par l'excès de la chaleur que du froid. La chaleur en la bruslant l'a rend de couleur noire, de saueur amère ou aigre, si amère sa substance sera crasse: si aigre, sa substance sera tenuë, icelle ce cognoist si elle est iettée sur la terre elle boût, & s'esleue en petites bouteilles. Quand le froid excède de sa qualité, il faict qu'il l'endurcit & la rend de saueur ostere ou acerbe. De ces humeurs susdicts de complexion intempe-

rees, en prouient quatre thumeurs contre nature. Sçauoir le Phlegmó qui prouient du sang, loédeme de la pituite, l'Ercsipelle de la bile, & le Schirrhe de la melâcholie. Il arriue de plus sinistres accidens en nature, que ces thumeurs: Lesquels doiuent estre referées & attribués és causes formelles des maladies, lesquels produisent de merueilleux symptomes dont la cognoissance en appartient à Messieurs nos Medecins: A lart desquels ie laisseray pour venir à la generation de ces humeurs naturelles, attirées des parties qui sont leurs mines, dedans lesquels ils sont preparées selon leurs qualitez, par la vertu de leurs facultez.

Lesquelles parties peuuent estre accomparez tant au sept Planettes, qu'au sept métaux. D'autant qu'ils produisent mesmes effects, que les planettes, & sont de pareille qua-

lité que les métaux. Comme il me
 sera tort aisé à iustifier, considéré le
 Soleil en sa qualité chaude & sei-
 che, par lequel fait par le moyé de
 son mouuement & de sa lumiere, in-
 fluer la vie à toute chose d'icy bas,
 comme il se remarque quand il s'ap-
 proche de nostre orizon, entrant en
 sa maison du mouton, alors qui
 nous donne le printemps ou l'on
 voit les vegetaux croistre & aug-
 menter.

Le cœur qui se rapporte au So-
 leil est chaud & sec en sa comple-
 ction, lequel engendre les esprits
 vitaux, qui influent dedans les ar-
 teres, donnent la vie à tous les au-
 tres parties, par sa chaleur & mou-
 nement.

L'or est chaud & sec & par conse-
 quant semblable de qualité au So-
 leil à nostre cœur: la faculté duquel
 augmente nostre chaleur naturelle,

*Le cœur du
 nostre corps
 se compare
 avec le cœur
 du soleil
 car le cœur
 est mobile
 & se meut
 vers le haut
 & vers le bas*

dans lequel la matiere qui engēdre les esprits animaux y est contenuës: puis incerez. & affinées dedans les vetriculles d'iceluy, qui estāt repercutée par la froideur sōt portez dedans les nerfs mols & durs: quiles distribuēt, Sçauoir les mols en nos cinq sens: & les autres apres qu'ils ont passé la nucque, icelle les renuoye aux nerfs durs: lesquels donnent le mouuement & sentiment.

L'argent est de qualité froide & humide par la demonstration de sa couleur qui nous le iustifie: & par-tāt simbolize en qualité au cerueau, aussi est-il semblable à luy par sympathie pour la conseruation, quand il est rendu Potable.

Iupiter est chaud & humide: Aussi est-il pere de la generation, par le moyen qu'il influē en la matiere generatiue son humidité, laquelle est digeree par sa chaleur, qui la purifie

*Car c'estuy d'ing. rōp. le rōp. de la circulation qui ordonne
de plēititude de l'ame & d'humid. rōp. d'ing. rōp.
p. rōp. de l'ame & d'humid. rōp. d'ing. rōp.
rōp. de l'ame & d'humid. rōp. d'ing. rōp.
rōp. de l'ame & d'humid. rōp. d'ing. rōp.
rōp. de l'ame & d'humid. rōp. d'ing. rōp.*

en chassant & separant d'icelle les choses superflus & excrementueles en substance subtiles.

Le poulmon est aussi de qualité chaude & humide : lequel entretient la chaleur vitale de nostre cœur, par le moyen dequoy nostre vie est entretenuë, en chassant d'iceluy les fumées fulgineuses. Côme aussi il attire l'air qui nous enuironne, qui sert de matiere pour rafraischir iceluy. L'estain est de qualité pareille au poulmon, sçauoir chaud & humide, lequel estant deuëment préparé, rarefie iceluy, donnant voyes aux vapeurs & superfluitez prouenant tant de luy, que des parties circonuoisines.

Mars est chaut & sec, & partant à domination sur le feu, par le moyen dequoy les choses creuës sont digerées par la coction qui se faiet de matiere crasse, indigeste, & creué,

qui se purifie en separant & triant le pur de l'impur.

L'humour contenuë au fiel qui est la bile, qu'on accompare à Mars, qui la domine, est chaude & seiche; laquelle produict en nous les mesmes effects comme iceluy: laquelle estant glissees aux intestins, elle irite la faculté expulatoire qui faiët chasser dehors les excremens cõrenuës en iceux.

Le fer est chaut & sec estant deucement preparé, lequel à particulier esgard au fiel: chassant de nous la maladie de la iaunisse: Comme le Caliby preparé, est vn souuerain remede aux palles-couleurs.

Venus est chaude & humide, aussi est-elle mere de la generation, laquelle dispose les parties generatiues à produire leur fruiët.

Les rongnõs sont chauds & humides: l'effect desquels est d'ela-

bourer la matiere generative qu'ils attirent tant de la masse sanguinaire que des autres parties, qui distribue aux testicules, qui l'affinent, pour la conseruation des indiuidus.

Le cuiure est chaud & humide qui estant preparé conserue les rongnons en rarefians les parties, leniât & expurgeant les humeurs gluantes, visqueuses & schirreuses, qui bouchent & ferment les conduits.

Le mercure est chaud & humide la faculté duquel est d'attirer, retenir, & digerer les choses qui sont de consanguinité, & reiecter & expurger celles qui luy sont contraires.

Le foye est chaud & humide, lequel attire à luy les choses douces, dont il est amoureux: qui apres les auoir digerees, assimilez & reduits en sa qualité, les renuoye à son magasin qui est la veine caue: pour

le distribuer à toutes les autres parties.

Le vis-argent préparé est chaud & humide en son occulte, Comme froid & sec en sa qualité manifeste: l'effect duquel est de rarefier les veines capillaires du foye, & chasser d'iceluy le venin par repercution: Comme il se voit par l'application de l'ungant de Moibo.

Le Saturne est de qualité froide & seiche: l'effect duquel est d'affermir, fortifier les parties de nostre corps, par la solidité de la matiere terrestre, sur laquelle il a principale domination. La ratte à ceste faculté d'attirer de la masse sanguinaire, la matiere crasse & terrestre qui est l'humeur melancholicq, contenue dedans icelle. Laquelle est froide & seiche en la substance crasse, ou tenue, dont l'effect de la crasse est de fortifier & affermir, & la tenue d'y-

nir & fermer à elle les parties.

Le Plomb est froid & sec en sa qualité actuelle & chaud & humide en la potentielle: l'effect de laquelle est de rarefier la ratte & incizer l'humour gluante, & visqueuse, & amollir la tumeur Schirreufe.

LE MAISTRE.

Ceste comparaison à bonne grace pour faire veoir que nos parties sont en pareille degré de qualitez, que les metaux, iceux semblable aux planettes. Aussi ce n'a esté sans grande raison, Que les philosophes ont donné à iceux metaux, nom de chacune Planette, d'autant qu'ils n'ont pas moins de propriété à conseruer nostre santé que les Planettes ont de force à nous entretenir en vie.

Je concluray doncques, & diray
que

que l'or non seulement est le plus noble metal du monde : Mais aussi le premier de tous les autres medicaments quand il est rendu Potable, Comme il se faiet par vne seule matiere, prise du masle & de la femelle de pareille essence que luy, le nom de laquelle ne se doibt nommer, d'autant que ce seroit prophaner les secrets de nature, & offencer les Philosophes, qui nel'ont trouuée que par vn assidu labeur, par le moyen duquel ils ont reconnu que en la generation de l'or és mines de la terre, ce faiet d'vne semence, dont tous les autres metaux sont engendrez : Ayant bien consideré que la diuersité des formes d'iceux metaux, & leur generation ne procedde de la matiere de leur seméce: d'autant qu'il n'y en a qu'vne seule qui les engendre tous : Mais leurs differences prouient des astres, l'in-

fluence desquels disposent icelles matieres à receuoir & prendre la forme, laquelle se faiët tant par la digestion ou indigestion d'iceux, selõ les lieux & climats, ou chacun d'eux sont assis & scitués, qui les engendrent selon la qualité d'iceux climats. Ainsi à la preparation de l'or, l'Art prend semblable matiere, laquelle ne peut estre que és metaux dont la substance metalique cache la semence de l'or soubz son ombre: Car de l'aller chercher ailleurs qu'en son semblable, seroit se mocquer de la mesme nature, puis qu'icelle nous faiët occulairement veoir, que chacune chose est engendrée par son semblable. Non que les metaux en leur forme metalique, soit la semence de l'or, attendu qu'iceux sont morts, & partant ils ne peuvent estre viuifiez, si ce n'est que icelle forme ne soit redui-

ete en leur premiere matiere : en laquelle sort le germe qui prepare l'Or & le rend Potable, par le moyé dequoy on se peut affeurer d'auoir le plus beau thresor du monde, estât la baze & fondement de tous les autres medicaments, par où on paruiet à la guarison de toutes sortes de maladies, qui ne peut estre qu'au proffit de la Republique, à l'honneur de Messieurs les Medecins & des Appoticaire, & à la gloire de DIEU, qui se manifeste & magnifie en ces œuures.

I'ay dict.

F I N.





EXTRAICT DV
Privilege du Roy.

PAR grace & priuilege du Roy, il est permis à GODEFROY ROUSSEL Maistre Appoticaire à Paris, de faire imprimer, exposer & mettre en vente par tout le Royaume de France, vn Liure intitullé *Les Secrets descouverts des Arts, tant de Pharmacie, que de celuy de Distiller, vulgairement nommé Alchemie ou Spargirie, &c.* Et sont faiçtes tres-expresles inhibitions & deffences à tous Libraires ou Imprimeurs d'imprimer ou faire imprimer, vendre ou distribuer ledict Liure, sans l'expresse consentemēt dudit ROUSSEL, à peine de confiscation desdicts liures, & de mille liures d'amende, & de tous des-

pens dommages & interets, durant le
temps & espace de six ans, à commen-
cer du iour qui sera acheuë d'imprimer,
qui est le quatorziesme iour du
mois de Ianuier, Mil six cens treize.
Comme il est plus à plain demonstre
par ledict Priuilege.

Donné à Paris, le quatorziesme de
Nouembre, Mil six cens douze.

Signé, BRIGARD.





